



證治準繩 女科

女科一編

中武
82
92



Blank page with a faint blue rectangular border and a red seal impression at the top center.

Blank page with a red rectangular stamp in the top right corner containing the numbers 82 and 93.

82
93



女科證治準繩自序

婦人有專治方舊矣史稱扁鵲過邯鄲聞貴婦人即
 為帶下醫語兼長也然帶下直婦人一病耳調經雜
 證懷子免身患苦百出療治萬方一帶下寧渠盡之
 乎世所傳張長沙雜病方論三卷婦人居一焉其方
 用之奇驗奈弗廣何孫真人著千金方特以婦人為
 首蓋易基乾坤詩首關雎之義其說曰特須教子女
 學習此三卷婦人方令其精曉即於念卒之秋何憂
 畏也而精於醫者未之深許也唐大中初白敏中守
 成都其家有因免乳死者訪問名醫得咎殷備集驗



女科

序

方三百七十八首以獻是為產寶宋時濮陽李師聖
得產論二十一篇有說無方醫學教授郭稽中以方
附焉而陳言無擇於二因方評其得失確矣婺醫杜
莪又附益之是為產育寶慶集臨川陳自明良甫以
為諸書綱領散漫而無統節目諄略而未備醫者局
於簡易不能深求徧覽有纔進一方不効輒束手者
有無方可據揣摩臆度者乃采摭諸家之善附以家
傳驗方編葺成篇凡八門門數十餘體總二百六十
餘論論後列方綱領節目燦然可觀是為大全良方
良方出而閨闈之調將大備矣然其論多採巢氏病

源什九歸諸風冷藥偏獷熟未有條分縷析其宜不
者近代薛已新甫始取良方增注其立論酌寒熱之
中大抵依於養脾胃補氣血不以去病為事可謂救
時之良醫也已第陳氏所葺多上古專科禁方具有
源流本末不可昧也而薛氏一切以已意芟除變亂
使古方自此湮沒余重惜之故於是編務存陳氏之
舊而刪其偏駁者然亦存什之六七而已至薛氏之
之說則盡收之取其以養正為主且簡而易守雖子
女學習無難也若易水瀲水師弟則後長沙而精於
醫者一方一論具掇是中迺它書所無有掇是而過

耶鄆庶無道少之患哉其積德求子與夫安產藏不
 吉凶方位皆非醫家事故削不載云稿成而兵憲蔡
 虛臺公明府涂振任公助之貲刻行之以爲此亦二
 公仁政萬分之一遂不復辭
 萬曆丁未早秋念西居士王肯堂宇泰甫書於無住
 菴

女科證治準繩目錄

卷之一

治法通論

通治婦人諸疾

四物湯加減治雜病例

芩歸湯

異香四神散 玉仙散

烏犀丸

蒲黃黑神散 莪朮散

濟陰丹

南岳魏夫人濟陰丹

鰾血丸

加味五積散 卷栢丸

烏雞煎丸

小白薇丸 白堊丹

琥珀澤蘭煎

內灸散
龍骨散
溫白丸

勝金丸
妙應丹

沉香煎丸
萬應紫苑丸

調經門

經候總論

四物加黃芩黃連湯

當歸飲

七沸湯

四物加黃芩白朮湯

四物加葵花湯

四物加熟地黃當歸湯

先期後期先期湯

金匱土瓜根散

過期飲

滋血湯

調經平劑簡易當歸散

人參養血丸

逍遙散

增損四物湯

澹寮煮附丸

沉香降氣散

嚴氏抑氣散

紺珠正氣天香湯

東垣益胃升陽湯

調經煖劑大溫經湯

小溫經湯

溫經湯

滋血湯

加味吳茱萸湯

桃仁散

薑黃散

紫石英丸

煖宮丸

內補當歸丸

熟乾地黃丸

禹餘糧丸

鹿茸丸

升陽舉經湯

大玄胡索散

調經破血之劑紅花當歸散

大玄胡索散

鼈甲丸

身越痛散

腹痛海藏八物湯

琥珀散

交加散

交加地黃丸

大全交加散 桂枝桃仁湯 玄胡索湯

三神丸 柴胡丁香湯 沒藥除痛散

加味烏沉湯 熱入血室加味小柴胡湯 乾薑柴胡湯

海蛤散 月水不斷膠艾湯 續斷丸

禹餘糧丸 牡蠣丸 伏龍肝散

固經丸 月水不利牛膝散 牡丹皮散

產寶方 養榮湯 過期不止芩心丸

茸附湯 補中芎藭湯

經閉

五補丸 衛生湯 大全萬病丸

土牛膝散 當歸散 琥珀散

產寶方 千金桃仁煎 三稜丸

紅花當歸散 通經丸 滋血湯

掌中金丸 礬石丸 柏子仁丸

澤蘭湯 沉香鼈甲散 劫勞散

麥煎散 牡丹散 六神湯

桃仁散

血崩

固經丸 旋覆花湯 半夏丸

備金散 縮砂散 五靈脂散

當歸芍藥湯 栝子仁湯 益胃升陽湯

調經升陽除濕湯 柴胡調經湯

獨聖散 加減四物湯 黃芪當歸人參湯

地黃丸 涼血地黃湯 小蓊湯

芩薊酒 奇効四物湯 金華散

丁香膠艾湯 芩薊湯 斷下湯

熟附丸 鹿茸丸 赤龍丹

紫金散 白芷煖宮丸 和劑震靈丹

牡蠣散 栝黃散 伏龍肝散

地榆散 鹿茸散 栝葉散

補宮丸 鎮宮丸 十灰丸

十灰散 一笑散 香礬散

琥珀散 神應散 楊氏黑金散

如聖散 烏金散 梅飲子

赤白帶下 固腸丸 乳香散

樗皮丸 固腸丸 白芷散

伏龍肝散 馬蹄丸 白斂丸

補經固真湯 補真潤腸湯 白斂丸

當歸煎 牡蠣散 茯苓散

卷栝丸 艾煎丸 沉香牡丹丸

紫桂丸

固真丸

茅花散

苦棟丸

地榆膏

麒麟竭湯

豆花散

調經補真湯

地黄丸

桂附湯

二豆散

鶴頂丸

濟生白堊丸

養氣活血丹

茱萸浴湯

坐藥龍鹽膏

勝陰丹

回陽丹

酒煮當歸丸

當歸附子湯

白礬丸

溫經湯

益母散

玳瑁丸

神仙聚寶丹

白濁白淫

薑黃散

內金鹿茸丸

烏金散

加味四七湯

鎖精丸

固精丸

卷之二

雜證門上

虛勞

增損四物湯

六神湯

加減大建中湯

清氣湯

黃芪散

四白散

桔梗飲子

如聖散

劫勞散

筒骨煎

補中丸

溫中丸

人參丸

秘方十補丸

五聖丸

七補丸

羊乳丸

人參鼈甲丸

艾煎丸

芪味丸

大聖散

渾身碎痛飲子

當歸木香湯

木香丸

煮肝散

礪砂煎丸

黃芪散

逍遙散

子苓散

知母散

半夏散

秦丸散

鼈甲地黃湯

胡黃連散

犀角散

紅藍花散

鼈甲散

豬肚丸

胡黃連丸

益母草煎丸

青蒿丸

鼈甲丸

雞蘇丸

得効方河車丸

黃芪丸

地黃煎丸

人參散

赤茯苓散

天門冬丸

麥煎散

牡丹湯

鼈甲丸

柴胡散

黃連散

青蒿散

豬肚丸

石膏散

青蒿鼈甲煎丸

天靈蓋散

益母草丸

獺肝丸

殺鬼方

溫金散

補肺湯

瓜蒌湯

人參荆芥散

地骨皮散

地黃煎

乞力伽散

大効油煎散

馬鞭草散

琥珀散

茯神散

逍遙散

熟乾地黃散

琥珀丸

鼈甲丸

牡丹丸

柴胡丸

客熱

麥門冬散

犀角散

黃耆飲

丹砂散

玉霜散

生乾地黃丸

寒熱

地骨皮散

生地黃散

異功散

七寶湯

柴胡散

桃仁丸

青蒿散

生地黃丸

惡寒

中風

防風散

芎藭散

附子散

羌活散

南星散

木香煮散

白僵蠶散

麝羊角散

紫湯

烏蛇丸

禁口天南星散

走馬散

烏蛇散

白木酒

不語神仙解語丹

防風湯

竹瀝湯

手足不隨三痺湯

獨活湯

烏蛇散

東垣羌活湯

甘艸附子湯

獨活湯

續命煮散

補遺防風白朮牡蠣散

賊風偏枯大入風湯

增損茵芋酒

續斷湯

補遺全生虎骨散

虎脛骨酒

偏風防風湯

深師續命湯

防風散

飛尸血厥

白薇湯

倉公散

補遺內鼻散

硫黃散

瘕瘕

顫振

交加散

增損柴胡湯

本事青鹽丸

本事星附散

三因獨活散

世傳茯苓丸

驚悸

茯苓神散

龍齒丸

未貴琥珀散

茯苓補心湯

茯苓神湯

酸棗仁丸

定志丸

養心湯

硃砂安神丸

治要茯苓散

失血心
神不安寧志膏

茯苓補心湯

妙香散

半夏湯

獨參湯

顛狂

防風散

血風煩悶

酸棗仁散

紫石英散

當歸散

赤芍藥散

血風攻脾不能食

草豆蔻散

訶梨勒散

神麴丸

進食散

身體骨節疼痛

芎藭散

海桐皮散

虎骨散

何首烏散

通靈丸

當歸沒藥丸

四生丸

羚羊角散

羌活勝濕湯

走疰痛

沒藥散

琥珀散

虎骨散

雄黃散

漏蘆散

麝香丸

芍藥知母湯

附子八物湯

頭目眩暈

養正丹

釣藤散

獨活散

川芎散

四神散

頭痛

旋復花湯

七生丸

白附子散

川芎茶調散

玉真丸

硫黃丸

心痛

烏藥散

阿魏丸

雞舌香散

應痛散

陳氏二神丸

陳日華抽刀散

心腹痛

三神丸

沒藥散

延胡索散

琥珀散

瑞金散

牡丹散

八仙散 二方

玄胡索湯

大効琥珀散

蠲痛散

沒藥散

菖蒲丸

手拈散

木香枳朮丸

木香化滯湯

小腹痛

威靈散

當歸散

追氣丸

石灰散

吳茱萸湯

椒紅丸

大腹皮飲

項筋強痛

追風散

急風散

蝎附散

木瓜煎

兩脇脹痛

靈寶散

草豆蔻散

菴藺子散

人參紫金丸

氣針丸

木通散

三腕散

左金丸

當歸龍薈丸

補肝散

腰痛

如神湯

獨活寄生湯

舒筋散

腰脚疼痛

虎骨丸

仙靈脾散

藁本散

敗龜散

骨碎補散

附子散

養腎散

臂痛

栝子仁丸

舒筋湯

茯苓丸

控涎丹

白芥子散

流氣飲

秦艽地黃湯

脚氣

大腹皮散

紫蘇飲

四白散

蒼朮丸

丁香湯

癩疹瘙痒

何首烏散

蒺藜飲

卷之三

雜證門下

痰飲

旋復花湯

天南星丸

大半夏湯

導痰湯

咳嗽

目錄

黃芪散

蛤蚧丸

含化丸

貝母湯

定喘湯

補肺湯

金不換散

古今錄驗橘皮湯

深師四滿丸

團魚丸

參朮調中湯

噙化丸

喘滿

杏子散

橘皮半夏湯

棗膏丸

神授湯

天門冬丸

嘔吐

益智子散

丁香散

竹茹湯

良方槐花散

許仁則半夏丸

人參七味丸

青金丹

人參安胃散

霍亂

加減理中丸

四順湯

四逆加豬膽汁湯

香薷散

訶子散

胡椒湯

翻胃吐食

白堇散

白芷散

太倉丸

東垣補真丸

血膈

牡丹煎

鼻衄

刺薊散

伏龍肝散

吐血

鷄蘇散

柔脾湯

四生丸

犀角地黄湯

青餅子

乾薑甘州湯

花蕊石散

濟生雞蘇散

生地黃散

三因茯苓補心湯

麥門冬飲子

積聚癥瘕

通治諸積順氣丸

勝紅丸

香稜丸

大消石丸

阿魏膏

黃阜莢散

血桃仁煎

三稜煎

瘕穿山甲散

蓬莪茂丸

丁香丸

桃仁散

食礪砂丸

礪石丸

小三稜煎丸

血大黃丸

腹中調榮湯

川當歸散

大黃湯

琥珀散

地榆散

疝麝香丸

蔥白散

四等丸

木香礪砂丸

當歸散

痼乾漆散

當歸散

礪砂丸

巴豆丸

黑神丸

蟠蔥散

寶鑑疾藜湯

丹溪定痛散

心腹脹滿

白朮散

檳榔散

木香散

嘈雜

旋覆花湯

小便淋瀝

石韋散

木通散

桃膠散

金沙散

雞蘇散

火府丹

滋腎丸

黃芩清肺飲

五淋散

脬轉不得小便

滑石散

蕩葉散

石韋湯

蔥白湯

滋腎生肝飲

小便數

鹿茸散

桑螵蛸散

補遺縮泉丸

遺尿失禁

鹿茸丸

補遺秘元丸

小便出血

大全鹿茸散

髮灰散

生乾地黃散

當歸散

大便下血

加減四物湯

腸風黑神散

地榆湯

防風如神散

大便不通

通神散

大麻仁丸

皂角丸

潤腸丸

搜風順氣丸

子和脾約丸

大便或秘或利

蒺藜湯

大五柔丸

二仁丸

蜜兌法

補遺通氣散

泄瀉

香朴丸

桂香丸

豆蔻分氣飲

豆蔻丸

人參豆蔻散

木香散

香連丸

防風芍藥湯

滲濕湯

如金丸

茯苓湯

白朮芍藥湯

胃苓散

五香散

二神丸

五味子散

固腸丸

協熱下利

玉粉丸

四味阿膠丸

滯下

白頭翁湯

神木散

六神丸

三黃熟艾湯

四順附子湯

三建丹

加味參附湯

香茸丸

調中湯

胃風湯

水煮木香丸

戊巳丸

升陽除濕防風湯 三黃丸

芍藥湯

痢後嘔噦

橘皮乾薑湯

半夏生薑湯

丁香柿蒂湯

橘皮竹茹湯

生薑橘皮湯

退陰散

豬苓湯

補遺倉廩湯

痔瘻

鼈甲散

脫肛

升陽除濕湯

前陰諸疾

陰腫 葛蒲散

麻黃湯

白礬散

陰痒 大黃散

陰痛 太和湯

海螵蛸散

陰瘡 補心湯

藿香養胃湯

黃芩湯 洗方

雄黃散

當歸湯

陰挺下脫 三茱丸

一捻金丸

黃芩散

陰冷 五加皮酒

傷丈夫頭痛 桑扈湯

與鬼交通

茯神散

桃仁丸

辟瘟丹

殺鬼雄黃散

別離散

朱砂散

卷之四

胎前門

求子

六味地黄丸

螽斯丸

抑氣散

大五補丸

增損三才丸

紫石門冬丸

白薇丸

趙氏菴蓉兔絲子丸

加味香附丸

調經丸

正元丹

盪胞湯

坐導藥

葆真丸

千金種子丹

聚精丸

五子衍宗丸

十子丸

趙氏加味字丸

候胎

驗胎散

探胎散

胎產大法

保生丸

交感地黃煎丸

琥珀丸

龍鬚湯

佛手散

返魂丹

內灸散

逐月養胎法

烏雌雞湯

補胎湯

艾葉湯

黃連湯

雄雞湯

茯神湯

菊花湯

調中湯

阿膠湯

安中湯

安胎當歸湯

麥門冬湯

柴胡湯

旋復花湯

蔥白湯

杏人湯

芍藥湯

葵子湯

丹溪縮胎丸

半夏湯

豬賢湯

丹溪縮胎丸

滑胎枳殼散

內補丸

易產滑胎散

神寢丸

榆白皮散

保氣飲

無憂散

縮胎飲即達生散

黑神丸

惡阻

乾薑人參半夏丸

半夏茯苓湯

茯苓丸

旋復半夏湯

旋復花湯

白朮散

人參丁香散方二

醒脾飲子

人參橘皮湯

歸原散

安胎飲

小地黃丸

保生湯

白朮散

二香散

胎動不安

永固孕湯

當歸散

白朮散

阿膠散方二

立効散

寄生湯

黃芪湯

順氣飲子

安胎寄生湯

秦艽湯

小品止痛湯

黃芩湯

釣藤湯

蔥豉安胎湯

安胎織鼻散

目錄
女科
六

銀芎酒
鯉魚臙

胎上逼心

本事紫蘇飲
當歸湯

妊娠經來
漏胎下血

濟生如聖湯
桑寄生散
鄭氏人參散

羅氏立聖散
二黃散
地黃湯

保命枳殼湯
子芩丸
防風丸

防風黃芩丸
桂枝茯苓丸
榆白皮散

胎漏黃汁下或如豆汁

跌撲傷胎毒藥傷胎

催生神妙佛手散
竹茹酒

補遺安胎散
奪命丸

心痛
白朮湯

火龍散

心腹痛

當歸芍藥散
阿膠散
芎歸湯

草豆蔻散
香茂散

腹痛

地黃當歸湯

小腹痛

腰腹及背痛

通氣散

五加皮散

五加皮丸

大地黃丸

紫酒

小品苧根湯

心腹脹滿

倉公下氣湯

訶梨勒散

安胎和氣飲

枳殼湯

附子湯

胎水腫滿

天仙藤散

葶藶子散方二

澤瀉散

防已湯

千金鯉魚湯

腎着湯

指迷五皮散

全生白朮散

腹內鐘鳴

積聚

孕癰

傷食

木香丸

白朮散

鄭氏勝金散

中惡

當歸散

中風

防風散

生犀角散

防已散

獨活散

白僵蠶散

赤箭丸

白朮散

風痙

羚羊角散

葛根湯

羌活酒

痰癢

眩暈

消風散

犀角散

驚悸

大聖散

痞

煩口乾附

竹葉湯

竹瀝湯

竹茹湯

知母飲

麥門冬湯

麥門冬散方二

柴胡散

人參散

一母丸

煩躁口乾升麻散

知母散

葛根散

人參黃芪散

吐血衄血咳唾血

局方必勝散

咳嗽

欬冬花散

苦梗散

馬兜鈴散

麻黃散

百合散

紫苑湯

喘

平安散

瘡

驅邪散

七寶散

柴胡散
方二

霍亂

人參白朮散

人參散

白朮散

木瓜煎

縮脾飲

泄瀉

加味理中湯

滯下

大寧散

黃連湯

厚朴散

草果飲

大小便不通

甘遂散

豬苓散

葵子湯
方二

當歸散

大腹皮湯

小便不通

葵子茯苓散

苦參丸

獨聖散

淋

地膚大黃湯

安榮散

大腹皮散

遺尿

目錄

六科

三二

桑螵蛸散

尿血

續斷湯

補遺薑蜜湯

眼目

天門冬飲子

臟躁悲傷

甘麥大棗湯

淡竹茹湯

妊病可下胎斷胎

胎自墮

濟生芎藭補中湯

阿膠湯

杜仲丸

四製艾附丸

生地黄湯

人參湯

人參黃芪湯

龍骨散

當歸酒

烏金散

紅藍花散

白蜜湯

豬膏飲

當歸湯

地黄湯

澤蘭湯

蒲黃酒

當歸川芎湯

芎藭湯

當歸散

聖愈湯

當歸補血湯

四物二連湯

全生活血湯

胎不長

安胎白朮散

黃芪散

人參丸

枳實檳榔丸

日月未足欲產過期不產

集驗知母丸 槐子丸

鬼胎

雄黃丸

臨產坐草法

蛇蛻散

催生法

滑劑 催生如聖散

香劑 乳朱丹方二

開骨膏

苦劑 柞木飲子

催生丹一名兔腦丸

如意散

勝金散

行氣催生湯

行血 易產天麻丸

如聖散

無憂散

面血 催生如聖散

破血 半夏湯

七聖散

勝金散

外取 如聖膏

萬金不傳遇仙丹

立聖丹

如神散

勝金丹

交骨不開 加味芎歸湯

下死胎法

熱劑 烏金散

毒劑 一字神散

卷之五

產後門

產後通用方

加味四君子湯

四順理中丸

地黄丸

四味湯

玉露散

地黄煎

地黄酒

桃仁煎

產後醋墨

黑神散

琥珀散

千金增損澤蘭丸

黑龍丹

胞衣不下

奪命丹

花藥石散

芎藭散

必効牛膝湯

牛膝散

千金備急丹

下胎丸

血暈厥逆

清魂散

保命荆芥散

來甦散

芎歸湯

獨行散

奪命散

紅花散

牡丹散

血不下

荷葉散

沒藥丸

血不止

芎歸芎藥湯

獨聖湯

牡蠣散

豆淋酒

心痛

目錄

女科

三五

七氣手拈散
經心蜀椒湯

大岩蜜湯

失笑散

腹痛

見延胡索散

黑神散 黑白散

惡露不盡地黃散

當歸血竭丸

溫隱居澤蘭湯

卷荷散

產乳芸薹散

枳實芍藥散

下瘀血湯

千金桃仁芍藥湯

延胡索散

香桂散

紫金丸

當歸養血丸

當歸生薑羊肉湯

內補當歸建中湯

濟生增損四物湯

脇脹痛

當歸散

抵聖湯

腰痛

千金大豆酒

生地黄湯

桃仁湯

五香連翹湯

當歸黃芪湯

頭痛

川芎散

一奇散

芎附散

加減四物湯

脚氣

獨活寄生湯

遍身疼痛

趁痛散

中風

防風湯

川芎散

經効茯苓湯

鹿肉湯

保命血氣湯

華陀愈風散

虛極濟危上丹

口葛根湯

乾葛湯

天麻散

當歸散

伏龍肝散

交加散

角弓反張羚羊角散

一物獨活湯

一物白鮮湯

千金雞矢醴

汗多變瘰大豆紫湯

大豆湯

麝羊角飲子

防風當歸散

瘰癧

防風湯

增損柴胡湯

秦苑湯

拘攣

芎藭散

防已膏

不語

七珍散

胡氏孤鳳散

逐血補心湯

狂言譫語

烏金散

四物補心湯

顛狂

大聖澤蘭散

乍見鬼神

調經散

茯神散

栝子仁散

驚悸

白茯苓散

熟乾地黄散

產乳七寶散

大効牡丹散

遠志丸

白茯苓丸

人參散

琥珀地黄散

茯苓散

抱膽丸

恍惚

琥珀散

遠志散

天麻丸

辰砂遠志丸

虛煩

金黃散

沒藥丸

竹葉湯

甘竹茹湯

人參當歸湯

薤白湯

芍藥梔豉湯

仲景二物黃芩湯

竹皮大丸

渴

熟地黄湯

黃芩散

括蔞根湯

千金竹葉湯

七味白朮散

竹葉歸芪湯

玄胡索散

桃花散

自汗

全生活血湯

麻黃根散

止汗散

人參湯

當歸六黃湯

參附湯

芪附湯

黃疸

發熱

羅氏犀角飲子

三之一湯

三分散

加味道遙散

往來寒熱

柴胡四物湯

小柴胡加生地黃湯

增損柴胡湯

雲岐熟地黃散

黃芪丸

大調經散

加減烏金散

知母湯

瘡

草果飲子

生熟飲子

辱勞

石子湯

豬腰子粥

人參鼈甲散

白茯苓散

胡氏牡丹散

黃芪煮散

黃芪建中湯

虛羸

三合散

當歸羊肉湯

十全大補湯

痞悶

見睨丸

腹脹

水腫

小調經散

白朮湯

奪魂散

漢防已散

加減吳茱萸湯

加減八物湯

積聚

芍藥湯

四神散

桂心丸

霍亂

白朮散

溫中散

附子散

高良薑散

嘔吐

開胃散

石蓮散

吃逆

丁香散

羌活散

咳嗽

知母飲

喘

血竭散

雲岐參蘇飲

旋復花湯

五味子湯

大補湯

鼻衄

血崩

目錄
女科

固經丸

芎藭湯加芍藥方

熟乾地黄散

白芍藥散

阿膠丸

菖蒲酒

瑞蓮散

月水不調

琥珀散

薑黃丸

月水不通

瀉利

調中湯

赤白痢

救急散

黃連丸

白頭翁加甘州阿膠湯

大便秘澀

麻仁丸

大小便不通

桃花散

遺尿

淋瀝

茅根湯

滑石散

小便數

桑螵蛸散

括萋湯

小便不禁

目錄
女科

固脬散

補遺補脬飲

雞內金散

小便出血

大便下血

陰脫玉門不閉

硫黃散

桃仁膏

硫黃湯

熨法

當歸散

陰蝕

洗搨湯

甘濕散

狼牙湯

乳少

漏蘆散

湧泉散

成煉鍾乳散

玉露散

羅氏湧泉散

吹
枯萋散

皂角散

如
連翹湯

赤龍皮湯

天麻湯

飛烏膏散

黃連胡粉膏散

目錄
女科
三十一

於榮衛內則調於清便先將此法為初治次後詳而論之見證消息同壞證傷寒為之緩治或小便不利大便秘結或積熱於腸胃之間或已成痿或散血氣而為浮腫蓋產理多門故曰同傷寒壞證如發渴而用白虎氣弱而用黃耆血刺痛而用當歸腹痛而加芍藥已上例證不犯三禁謂產後之久病也若產後暴病又不可拘也如產後熱入血室者用桃仁承氣抵當湯等藥胃堅燥者太承氣不可以泄藥言之產後世人多用烏金四物湯是不分四時之寒熱不分血氣之虛實盲然一槩用藥如此而愈加增劇是誤

也大抵產病天行則增損柴胡雜證則加減四物又春夏從柴胡秋冬從四物藥性寒熱病證虛實不可不察也四物湯常宜服餌今立四時增損法於後

養血四物湯 益榮衛滋氣血治月水不調臍腹痛

痛婦人經病或前或後或多或少或少疼痛不一腰足腹中痛或崩中漏下或半產惡露過多或停留不出妊娠腹痛下血胎不安產後血塊不散或人血過多惡露不止四物湯加茱萸煎服若人陽臟少使茱萸陰臟多使茱萸一方加香附

熟地黄 補血如臍痛非此不能除乃通臍經之藥也

川芎 治風泄肝木如血虛頭痛非此不能除及通肝經之藥也
芍藥 和血理脾如腹中虛痛非此不能除及通脾經之藥也
當歸 和血如血刺痛刺如刀割非此不能除及通腎經之藥也

右為籠末水煎服

春倍川芎 一曰春二曰脉

夏倍芍藥 一曰夏二曰脉

秋倍地黃 一曰秋二曰脉

冬倍當歸 一曰冬二曰脉沉

若春則防風四物加防風倍川芎 若夏則黃芩四物加黃芩倍芍藥 若秋則門冬四物加天門

冬倍地黃 若冬則桂枝四物加桂枝倍當歸
若血虛而腹痛微汗而惡風四物加芩桂謂之腹痛六合
若風眩暈加秦艽羌活謂之風六合
若氣虛弱起則無力趺然而倒加厚朴陳皮謂之氣六合
能睡卧者加黃連梔子謂之熱六合 若虛寒脉微自汗氣難布息清便自調加乾薑附子謂之寒六合
若中濕身沈重無力身涼微汗加白朮茯苓謂之濕六合
若婦人筋骨肢節疼及頭痛脉弦憎寒如瘧宜治風六合或傷損氣血乘虛而暈

者四物湯

兩四各壹

若血氣上衝心腹

脇下滿悶宜治氣六合四物湯

兩四各壹

若臍下虛冷腹痛及腰脊間悶痛宜玄胡六合

小腹痛

四物湯

玄胡苦棟

各壹兩

脉故月事頻併臍下多痛宜芍藥六合四物湯

芍藥

加倍

若經事欲行臍腹絞痛臨經痛

者血澀也宜八物湯四物湯玄胡檳榔苦棟

焦木香

各壹兩

若婦人血虚心腹疔痛不可忍者

去地黃加乾薑名四神湯 補下元加乾薑半兩

甘草七分 氣築小腹痛加玄胡索煎服 若腹

中刺痛惡物不下倍加當歸芍藥 若腹痛作聲

經脉不快加熟地黃一倍添桂心半倍煎 經行

腹痛腰痛加芫薹牛膝紅花吳茱萸菴閣甘草

銀器燈心熱服 若經水澀少宜四物湯內加蔡

花煎又加紅花血見愁 若經水少而色和者四

物湯加熟地黃當歸 若經水暴下四物湯

內加黃芩若腹痛加黃連如夏月不去黃芩 若

經水如黑豆汁者加黃芩黃連 若經水過

多別無餘證宜黃芩六合湯四物湯 黃芩白木

各壹 經血淋漓不斷加乾瑞蓮房炒入藥 陰

陽交合經脉行加赤石脂黃芪肉桂百草霜藕節
 敗椶灰肉豆寇當歸木香龍骨白朮茯苓地榆
 若經水適來適斷或有寒熱往來者先服小柴胡
 湯以去其寒熱後以四物湯和之如寒熱不退勿
 服四物是謂變證表邪猶在不能效也依前論中
 變證隨證用藥調治 若血崩者加生地黃蒲黃
 補血任崩加百草霜椶灰首綿灰蒲黃炒過龍
 骨白薑 血成片加地黃藕節 黑血片人參白
 朮 若血臟虛冷崩中去血過多加阿膠艾 月
 水不調血崩或多或少或前後嘔逆心膨陳艾黃芪

若赤白帶下宜香桂六合四物湯四兩桂枝香附
各五錢 四物湯為細末煉蜜丸梧子大空心米飲
 下三四十九治年高婦人白帶良驗 白淫濁龍
 骨地黃當歸 五色研麝香好酒 鮮紅溫酒鹽
 湯 帶下加肉桂蒲黃百草霜甘草黑豆白朮玄
 胡索白薑龍骨空心鹽酒下 白帶加白龍骨酒
 下 若婦人血積者加廣茂京二稜桂乾漆炒煙
兩 若經血凝滯腹內血氣作疼加廣茂官桂等
兩 分用之王石膚云熟地黃滯血安能止痛不若以
 五靈脂代之 血滯不通加桃仁紅花各貳錢半

經閉加枳殼大黃荆芥黃芩青皮滑石木通瞿
麥海金沙山梔子車前子 血寒加甘草烏梅柴
胡桃柳枝 月經久閉加肉桂甘草黃芪薑錢棗
子木通紅花 月水不通加野苧根牛膝紅花蘇
木舊酒水同煎 血氣不調加吳茱萸壹兩甘草
半兩 四物湯加甘草半兩為細末煉蜜丸每兩
作八九酒醋共半盞煎湯同化調下名當歸煎去
敗血生好血如人行五里再進一服無時 若虛
熱病四物湯與參蘇飲相合名補心湯主之 添
柴胡名五神湯大能補虛退虛熱 潮熱加黃芩

地骨皮柴胡一方加柴胡乾葛黃芩人參 虛熱
口乾加麥門冬黃芩壹兩 虛渴加入參乾葛烏
梅栝蒌根 虛而多汗加煨牡蠣麻黃根各半兩
虛寒潮熱加柴胡地骨皮白朮茯苓甘草秦艽知
母黃芩麥芽貝母人參烏梅棗子 若四肢腫痛
不能舉動宜與蒼朮各半湯主之 若大便燥結
四物湯與調胃承氣湯各半名玉燭散主之 若
流濕潤燥宜四物理中各半湯 若氣血俱虛四
物與四君子湯各半名八珍湯主之加縮砂仁保
胎氣令人有子有熱加黃芩 若因熱生風者加

川芎柴胡防風無一方血氣勞加荆芥柴胡血
風兩脇築痛或盤腸成塊加大黃單撥乳香血
弱生風四肢痺疼行步艱難加人參乳香沒藥麝
香甘草五靈脂羌獨活防風荆芥地龍南星白附
子澤蘭為末蜜丸木瓜鹽湯下血風膨脹加甘
草木香枳殼馬兜鈴葶藶紫蘇藿香地黃空心服
臟腑祕加大黃桃仁滑泄加官桂附子虛
瀉加人參川芎白芷蒲黃炒阿膠白朮茺莢續斷
乾薑附子肉桂黃芪赤右脂甘草蜜丸鹽梅湯下
嘔加白朮人參生薑嘔吐不止加藿香白

木半兩人參貳錢半嘔逆飲食不入加白朮丁
香甘草人參縮砂益智仁胡椒若欬嗽加桑白
皮半夏人參生薑北五味子甘草感風勞嗽加
欵花知母阿膠半夏麻黃甘草馬兜鈴黃芩杏仁
柴胡薑錢訶子烏梅若發寒熱加乾生薑牡丹
皮柴胡芍藥如寒熱往來加炮乾薑牡丹皮
各壹若平常些少虛眩肢體瘦倦月信不通只用
生薑薄荷此是婦人常服之藥蓋味寡而性緩效
遲而功深若大渴加知母石膏若水停心下
微吐逆者加豬苓茯苓防已若心腹脹滿加枳

殼青皮 虛汗加麻黃根 汗多加浮麥 大便
下血四肢寒膨脹腸胃有風槐花枳殼漏蘆荊芥
木香白鷄冠花木通紅內消紫草石榴皮陳皮青
皮黃芩甘草白茅根槐角 腸風下血加槐角槐
花枳殼荊芥黃芩大腹皮紅內消地榆石楠葉白
鷄冠花爲散煎一半爲末空心鹽湯舊酒調下
鼻衄吐血加竹青蒲黃藕節半夏丁香訶子桂花
紅棗飛羅麩白茅根蚌粉 若頭昏項強加人參
黃芩 若虛寒似傷寒者加人參柴胡防風 若
虛煩不得睡加竹葉人參 若諸痛有濕者四物

與白朮相半加天麻茯苓穿山甲用酒煎服 治
老人風秘加青皮等分煎服 治瘡疾荊芥酒煎
常服 妳癰加連翹茨菰子紅內消白芷菰片荊
芥牛膝山蜈蚣乳香沒藥漏蘆生地黃 赤眼頭
風疾加薄荷清茶 赤眼生風加防風黃芩 風
瘡赤腫加荊芥牛蒡子何首烏甘草防風羌活地
黃鹽酒 脚腫加大腹皮赤小豆茯苓皮生薑皮
若婦人傷寒汗下後飲食減少血虛者宜八物
湯四物湯兩黃芪白朮茯苓甘草 各壹兩 若妊娠
傷寒中風表虛自汗頭痛項強身熱惡寒脉浮而

弱太陽經病宜表虛六合湯四物湯兩桂枝地骨皮各七錢若妊娠傷寒頭痛身熱無汗脉浮緊太陽

陽經病宜表實六合四物湯兩麻黃細辛各半兩若妊娠傷寒中風濕之氣肢節煩疼脉浮而熱頭痛此太陽標病也宜風濕六合湯四物湯兩防風

蒼朮各七錢若妊娠傷寒下後過經不愈溫毒發斑如錦紋宜升麻六合四物湯兩升麻連翹各七錢若妊娠傷寒胸脇滿痛脉弦少陽頭昏項強

宜柴胡六合四物湯兩柴胡黃芩各七錢若妊娠傷寒大便鞭小便赤氣滿而脉沉數陽明太陽本

病也急下之宜大黃六合四物湯兩大黃半兩桃仁十箇去皮若妊娠傷寒汗下後欬嗽不止宜人參六合湯四物湯兩人參五味子各半兩若妊娠傷寒汗下後虛痞脹滿者陽明本虛也宜厚朴六合湯亦治欬嗽喘滿四物湯兩厚朴枳實各半兩若妊娠傷寒汗下後不得眠者宜梔子六合湯四物湯兩梔子黃芩各半兩若妊娠傷寒身熱大渴蒸蒸而煩脉長而大者宜石膏六合四物湯兩石膏知母各半兩若妊娠傷寒小便不利太陽本病宜茯苓六合湯四物湯兩茯苓澤瀉各半兩若

妊娠傷寒太陽本病小便赤如血狀者宜琥珀六
合湯四物湯兩琥珀茯苓各半若妊娠傷寒汗
下後血漏不止胎氣損者宜膠艾六合湯四物湯
四阿膠艾各半兩一方加乾薑甘草黃芪同上若妊娠傷
寒四肢拘急身涼微汗腹中痛脉沉而遲少陰病
也宜附子六合湯四物湯兩附子炮去皮桂各半
若妊娠傷寒畜血證不宜墮胎藥下之宜四物太
黃湯四物湯兩生地黃太黃酒浸各四物與麻
黃桂枝白虎柴胡理中四逆蘇黃承氣涼膈等皆
可作各半湯不能殫述此易老用藥大畧也 安

胎及漏胎下血加阿膠太艾甘草蒲黃炒過 若
胎動不安下血不止每服加艾葉五七片更加葱
白阿膠末黃耆減四味之半當歸只用小半如疾
勢甚者以四味各半兩細剉以水四盞熟艾一塊
如雞子大阿膠五七片煎至二盞半去滓分作四
服一日令盡一方加粉草乾薑黃芪日二三服至
二臘以三七日胎前產後每日可一二服亦治
血痢不止腹痛難忍宜加阿膠艾葉煎服名六物
湯如氣虛血海不調不妨一方四物加黃芪柏葉
阿膠甘草續斷平常經血淋瀝不斷或多或少或

赤或白非時漏下多服有效 受胎小腸氣痛加
木香麝香胎前嗽加枳殼甘草欬冬知母馬兜鈴
半夏木通葶藶人參苦梗麥門冬 胎氣衝肝腰
脚痺行步艱難加枳殼木通連翹荆芥地黃羌獨
山梔甘草燈心空心服 妊娠心煩加竹茹一塊
如有敗血則用當歸近上節白芍藥以赤易熟
地黃以生者 妊娠作惡生寒面青不思飲食憔
悴加陳皮枳殼白米茯苓甘草 損孕下血不止
頭痛寒熱耳鳴氣血勞傷所致加黃芩荆芥生地
黃赤芍藥生薑 臨產小腹緊痛加紅花滑石甘

草燈心葵子 產後惡露腹痛不止加桃仁蘇木
牛膝 產後腹痛血塊攻腸加大艾沒藥好酒
若因產後欲推陳致新補血海治諸疾加生薑煎
○若產後被驚氣滯種種積滯敗血一月內惡物
微少敗血作病或脹或疼胸膈痞悶或發寒熱四
肢疼痛加玄胡索沒藥香白芷與四物等分爲細
末淡醋湯或童子小便酒調下 如血風於產後
乘虛發作或產後傷風頭疼發熱百骨節痛每四
物湯壹兩加荆芥穗天麻香附子石膏藿香各貳錢五分
每服三錢水壹盞煎至七分服 產後傷風頭痛

加石膏

壹兩甘草兩半

若產後虛勞日久而脉浮疾

者宜柴胡四物湯乃本方與小柴胡湯合用也

若產後諸證各隨六經以四物與仲景藥各半服

之甚效○產後虛憊發熱煩悶加生地黃○產後

腹脹加枳殼肉桂

各錢○產後寒熱往來加柴胡

麥門冬

各半產後敗血築心加地骨皮芍藥

產後潮熱加白朮北柴胡甘草牡丹皮地骨皮

產後病眼加北細辛羌活荆芥菊花甘草木賊石

決明草決明產後浮腫氣急腹大喉中水雞聲

加牡丹皮荆芥白朮桑白皮赤小豆大腹皮杏仁

半夏馬兜鈴生薑葱白薄荷產後失音不語加

詞子人參沙蜜百藥煎產後悶亂加茯神遠志

各半胎前產後痢後風加乳香龍骨茱萸木香

肉桂蒼朮牡丹皮白薇人參甘草澤蘭大椒穠香

煉蜜為丸木瓜酒下一方等分為釐末每服四

錢水一盞半煎至八分去滓取六分清者帶熱食

前服若平常血氣不調及常服只用本方日二三

服一方為細末湯酒調服或以醋糊煉蜜為丸

治帶下赤白痢陳米飲下心腹脹炒薑酒下

血氣艾醋湯下渾身勞倦為末炒薑酒陳青

高鹽和調下 虛證四肢黃甘草牡丹皮澤蘭白
薇蒼朮桂心懷香蜜丸鹽湯溫酒下 陳氏經驗
方云吳興周端仁郎中頃赴省試照曠一隣云某
本醫家凡婦人百病只以四物湯加茱萸無不效
者產難及胎衣不下于死腹中入酒同煎凡用有
效謹以此為報此藥不知起於何氏或云自魏華
陀陀之術精微方類單省傳稱陀鍼灸不過數處
千金方云自三代以來醫方藥論未有如此詳備
其間有漢晉名公諸方今產寶方乃宋梁時節度
巡官咎膺所撰其中有四物散後條入聖惠方自

後醫者易散為湯蓋用者若馭良馬當隨意無不
得至焉命名醫於四物中增損品味隨意虛實寒
燥皆得其要者然亦非止婦人之疾可用而已
芎歸湯元戎 治一切去血過多眩暈悶絕傷胎去血
產後崩中去血拔牙去血金瘡去血不止舉頭欲
倒悉能治之

當歸 川芎 各等分

右每服五錢水煎服不拘時 產後眩暈加芍藥
產後腹痛不可忍加官桂童便酒浸 妊娠子
死或不死胎動酒水合煎即下未死者即安 若

虛損腹痛少氣頭眩自汗每服加羊肉壹兩生薑
十片水煎若臨月服之則縮胎易生若室女
婦人心腹疼痛經水不調水煎服若妊娠胎氣
不安產後諸疾酒煎服若難生倒橫子死腹中
先用黑豆壹大合炒熟與小便合煎服若難產
用百草霜香白芷等分重便好醋各一盞沸湯浸
服甚者再服即分晚矣若傷臟毒每服加槐花
末五分三日取下血塊即瘉若吐血亦服此若
血氣上喘下腫空心煎艾湯調下若產後惡血
注心迷悶喘急腹痛依前用黑豆加生薑自然汗

煎服若產後頭痛加荆芥若崩中漏下失血
不止加炒香附每兩入甘草壹錢沸湯點服若
有白帶者加芍藥半兩乾薑等分米飲調下

抑氣異香四神散

又名四神湯

專調理婦人室女血

氣不調胎前產後諸疾皆主之蓋女人以氣血為
主殊不知因氣先不調然後血脉不順即生諸證
此方大有奧理

香附子 去毛炒半觔

烏藥 炒四兩

甘草 炙壹兩

右咬咀每服五錢重水壹盞生

薑三片棗一箇煎至七分去滓空心溫服或用葱

白三寸同煎如治諸證依後加減用之立見功效
婦人氣血不順心胸痞滿加紫蘇葉同煎驚
憂悶氣喜怒傷神心滿腹痛面自虛浮及一切氣
疾並加石菖蒲同煎 血脈不調血膈番胃嘔吐
飲食以老薑一塊燒令黑切作五片入鹽少許同
煎 脾胃感冷亦依前用 血積血暈悶血癥血
刺血煎熟入好醋一呷服 經血行時被風雨或
驚憂相併經候不時名曰搐脈腹痛緊脹腰腿疼
痛每服加炒茴香一撮同煎 血氣不順喘滿氣
急面自浮腫加生薑紫蘇葉同煎 唾血咯紅痰

喉中腥氣加黃桑葉三四皮花桑尤佳 血瀆氣
秘大便結滯不通宜加枳殼數片或去白青皮亦
可 凡血臟虛冷血瀆腹痛血海久冷血崩赤白
帶下小便頻數又血脈妄行滲入大腸有似腸風
並入炒吳茱萸末一匕同煎亦名溫經湯 經絡
感熱經水沸溢血脈妄行病曰熱崩加生地黃
凡敗血攻冲脾胃血噎氣血咳逆加生薑三片柿
蒂五箇 血氣昏悶心腹刺痛加良薑赤芍藥以
水酒各半盞同煎 胎脈傷食胸膈不快噎氣食
臭心腹緊滿加南木香或宿砂仁煎 懷胎臨月

近上逼心名曰子懸依舊用薑片紫蘇同煎產
後諸疾不明血脉去留不辨虛實冷熱且宜此藥
通順血氣不致差互然後隨證調理產後寒氣
入腹硬緊臍下刺痛名曰寒疝加炒吳茱萸煎服
產後因產中用力太過子宮脫下俗名癩病先
用此順氣安腸兼以樗樹根或枝梗同葱白以花
椒煎湯熏洗子腸自定及平居女人患此亦然
蒲黃黑神散調理室女婦人風虛勞冷一切氣血之
疾及胎前產後血滯血暈惡露不快敗血為疾並
宜服之凡生產之後首先進烏金散壓血暈逐惡

血第二日即便常進此藥逐敗血安新血自然百
病不生此方常用百發百中悉得效驗若將調理
女人諸疾用煉蜜為劑每一兩三錢仲分作十丸
或用酒煮麪糊為丸如梧桐子大每服三五丸
隨證用湯使各以其病立名稱之名益陰丹又名
通真丸又名勝金丹又名金釵煎又名保生丸又
名四順理中散 黑豆壹升炒香附子末四兩乾薑
炮生薑地黃各壹兩右為末每服貳錢食前溫酒調
下或以酒煮麪糊為丸如梧桐子大每服三十丸
溫酒米湯任下 新產敗血不散兒枕塊鞭疼痛

者童子小便下 臨產胎死腹中或死胎不下以
黑豆一合醋煮豆熟為度調藥七分蓋服暖其胎
即自下 臨產之時胞衣不下以童子小便同煎
酒調下 產後惡露不快血暈中心眼昏黑悶昏
口禁不省人事並用溫酒調下若稍重可用秤錘
淬酒服 前項黑神散以煉蜜和劑為丸如梧桐
子大各四順理中丸 新產五脂暴露羸弱少氣
體常自汗以米飲吞下三十丸空心服 若以煉
蜜為丸如彈子大治胎前名保生丸理婦人初受
胎時胎氣不安多臥少起不進飲食名曰惡阻每

服一丸細嚼以苧根糯米煎飲送下或以秦艽糯
煎飲亦可 又漏胎下血不止或下黃赤汁腰腹
痛重以溫酒嚥下兼以膠艾湯法艾湯六物湯安
胎飲 又有初結胎氣盛煩壅嘔逆痰涎不喜飲
食過腹膨脹以淡竹刮青同橘皮煎湯送下兼以
茯苓半夏湯或二陳湯下 若因房勞動胎下血
名曰傷胎溫酒下 若妊娠數經墮胎多至半產
漏下用溫酒服氣順搦血自然胎息安固 若妊
娠日月不足而一向似欲產者以真知母煎湯下
若妊娠胎上逼心胎不近下川芎煎湯下 若

通治
一
妊娠至七八月常服養胎益血安和子臟仍令易
產以枳殼糯米煎湯下但糯米飲下亦得若產
後用名勝金丹治產後一切諸疾並以溫酒或米
飲下若補理血虛血勞血氣血風等病名益陰
丹以溫酒米飲下若女人血冷面白脫色青筋
迸露以酒服良驗若調理經候滋養少女名金
釵煎丸是經候不調月水湛濁腹常刺痛及室女
血弱陰虛經脈不勻並依前酒飲送下又一等
少女經脈已行一二次復至一二年又不行或有
四季一行或有三五箇月復至此本血脈柔弱未

克故行脈斷續宜以此藥調氣潤血血旺自通不
必攻之不爾成血癥積塊成血劫勞氣傳為骨
蒸勞瘵兼百一十方沉香勝金丹滋血湯佐之若婦
人時行雜病用太聖通真丸治諸中風口禁角
弓反張手足躄曳並以羌活同黑豆炒酒下兼以
小續命湯烏荊丸之類又婦人漏下五色及治
血少氣寒面色青白及產後百日内常服能除宿
血生養新血兼益氣補虛調和衝任不生諸疾皆
以溫酒米飲下
前蒲黃黑神散其中萬品佐助溫和看不上眼而

自有妙理與大局方法不同臨產對證且如妊娠一節至精纔熾一氣方凝經云秘法潮養胞源稍著寒溫即致損墜故經云與寒為痛傷熱而驚峻借湯劑勿可妄用怒傷胎氣及其生產之後百節開張去血過多津液燥少陰陽俱虛臟腑怯弱偶有疾傷即成危殆故經云犯時微若秋毫感病重於嵩岳故涼冷之劑剛燥之藥尤戒輕用轉生他病若委有冒風感熱之疾亦是和解隨證調理縱有虛寒極冷之後亦宜用性溫平和之藥救療漸次加進太溫藥調治切戒粗疎若依此說則產後

胎前百無一失不可取目前之急亂投湯劑反致其禍罪福非輕切須記之

抑氣養血莪朮散

隨證斟酌量加入

莪朮煨

川芎

當歸去尾

熟地黃酒蒸洗

白芷

茴香

楊芍藥

甘草各壹兩

右為細末每服貳錢鹽酒調下 月水不調銀器燈心 安胎黃芪生地黃 補虛調氣生薑紅棗 遍身虛腫當歸酒 小便不通滑石末 心虛 硃砂研末調 敗血冲心腹疼如刀刺燒秤錘紅

浮酒如不退五靈脂酒 血閉身疼炒薑酒 吐
 酸水丁香七粒煎湯 血風上攻眼自浮腫荆芥
 小腹痛木瓜 渾身浮腫薑湯或葱湯 胃虛
 惡心藿香 頭面腫赤豆荊芥湯下 血不止木
 香湯 冷嗽桑白皮乾柿 頭痛川芎細辛 血
 風潮熱生薑紅棗 虛汗麻黃根 吐不止青陳
 皮 血風腰痛芸薹子搥碎 女人血結不通手
 發變急不知其數薺菜一撮順流水搥汁 手足
 痺樟柳根浸酒 女人血氣成塊築心銀子燈心
 血崩赤白帶真龍骨末好紅酒調 血風中心

狂言亂語渾身壯熱桃柳枝七寸 血刺成塊不
 散菴蘭 女人癖氣膈氣炒茴香酒 婦人不問
 虛熱傷風潮熱增寒一切百病先以三服隨證湯
 引投之服以他藥調理無不應驗 冷嗽豬血
 心燥豬肝酒 催生順流水滑石禹餘糧榆白皮
 坯子乳香葵子酸車草汁煎湯黃柞葉垂下者
 胎衣不下再加茂朮地黃竹青 行血菴蘭生地
 黃紅花蘇木陳艾減楊芍藥加赤芍藥稍
 玉僊散 治婦人諸疾

香附子

五錢 婦人諸疾

白芍藥

各壹兩

甘草

壹錢

右爲細末每服三錢沸湯下 血崩不止竹葉煎湯下 月水不行手足熱加生薑炒當歸煎木通湯下 月水不勻當歸酒下 頻頻下血不住米飲下 氣痛及老婦人忽下血加炒薑黃炒陳皮湯任下

理氣活血消積濟陰丹

治婦人血海虛冷久無子

息及產後敗血冲心中風口噤子死腹中墜開口灌藥須臾生下便得無恙治墮胎腹中攻刺痛橫生逆產胎衣不下血暈血癖血崩血滯血入四肢一應血臟有患及諸種風氣或傷風吐逆咳嗽寒

熱往來遍身生瘡頭痛惡心經脈不調赤白帶下乳生惡氣胎臟虛冷數曾墮胎崩中不定因此成疾室女經脈不通並宜服之常服煖子宮和血氣悅顏色退風冷能消除萬病

- 三稜 貳兩
- 枳殼 去穢
- 香附子 淨
- 醋參升者煮乾取出焙乾
- 白芍藥 各壹兩半
- 官桂 去粗皮
- 蓬朮 壹兩切
- 大艾 去梗
- 敗薑 各壹兩半
- 當歸身 酒蒸
- 蒲黃 隔紙炒
- 赤芍藥
- 蒼朮 泔浸去皮
- 劉寄奴
- 烏豆 參入合已上九味以數
- 橘皮 去白細紅者佳
- 牡丹皮 去骨
- 片薑黃

通治

女科

青皮 去白各壹兩

生地黄 酒浸

熟地黄 酒浸

川芎 各七錢半

玄胡索 炒

五靈脂 酒煮

白朮 煨各半兩

右為細末以糯米粉穀醋打糊為丸如梧桐子大每服五十九空心沉香湯送下蘇湯鹽湯下亦可

南嶽魏夫人濟陰丹 治婦人血氣久冷無子及數

經墮胎皆因衝任之脈虛損胞內宿挾疾病經水

不時暴下不止月內再行或前或後或崩中漏下

三十六疾積聚癥瘕臍下冷痛小便白濁已上諸

疾皆令孕育不成以致絕嗣此藥治產後百病百

醉內常服除宿血生新血令人有子亦生子充實

亦治男子亡血諸疾

木香 炮

京墨 煨

茯苓

桃仁 去皮尖各壹兩 蠶布 燒

藁本

秦艽 酒浸

桔梗 炒

人參 各貳兩

牡丹皮 去心

乾薑 炮

細辛

桂心

當歸 各半兩

川芎 各半兩

蒼朮 米泔浸八兩

大豆卷 炒半升

川椒 去目并合口炒出汗

山藥 各參兩

澤蘭葉

熟地黄 酒浸蒸焙

香附子 炒各四兩

通台

女科

三

糯米炒壹升

右為細末煉蜜和丸每兩作六丸如彈子大每服一丸細嚼溫酒送下淡醋湯化服亦可空心食前服一方山藥川椒各三兩或以醋糊為丸如梧桐子大每服五十九丸依前服亦可

理氣行血

皴血丸

治婦人血海虛冷百病變生氣

血不調時發寒熱或下血過多或久閉不通崩中不止帶下赤白癥瘕癰塊攻刺疼痛小便緊滿脇肋脹痛腰重脚弱面黃體虛飲食減少漸成勞狀及經脉不調胎氣多損產前產後一切病患無不

治療

菊花去梗

茴香

玄胡索炒

香附炒酒浸宿焙

肉桂去粗皮

當歸

芍藥

熟地黄

牛膝

蒲黃

蓬朮各叁兩

右為細末用烏豆一升醋煮候乾為末再入醋二盞煮至一盞留為糊丸如梧桐子大每服二十九溫酒或醋湯送下血氣攻刺炒薑酒下癥瘕絞痛當歸酒下忌鴨肉羊血此藥煖子宮令人有子及治皴血損調衝任煖血海及胞絡傷損宿瘀乾血

理氣和血加味五積散

蒼木壹兩米 白薑 陳皮各壹兩
 厚朴去粗皮 半夏洗 枳殼炒
 楊芍藥 香附子炒去 桔梗
 人參去蘆 茯苓去皮 川白芷
 川芎 當歸去土 茴香炒
 木香 肉桂 粉草各壹兩
 右剉碎生薑木瓜入鹽煎服 陰證傷寒生薑附
 子 血脈不勻紫蘇 氣嗽烏梅薑錢 勻經棗
 子薑錢 補益血海蘇鹽 產後生薑醋炒陳艾

胃冷不納食陳皮縮砂 赤白帶陳米 冷氣

疾木香茱萸 心燥背筋急頭暈腰脚痠生地黃

當歸 脾虛蘇葉粉草月中被驚或因爭觸心頭

結塊五膈五噎茴香棗子 口苦苦乾吞酸噫氣

此為胃冷生薑鹽 腰痛桃仁木瓜杜仲川續斷

身疼秦艽 諸虛脾胃不和羸瘦冷氣蘇鹽

冷瀉炒過生薑烏梅肉荳蔻陳米各煎湯

養血潤燥卷栢丸 治婦人衝任本虛血海不足不

能流通經絡月水不調赤白帶下三十六疾並皆

治之常服和經絡煖五臟潤肌膚長髮去黥除風

令人有子

卷柏 去根

熟地黃 洗焙

柏子仁 微炒

右為細末煉蜜和丸如梧桐子大每服五十九丸用

溫酒或米飲送下空心食前服

當歸 洗焙

川芎

肉荑蓉

右為細末煉蜜和丸如梧桐子大每服五十九丸用

溫酒或米飲送下空心食前服

艾葉 炒各

白芷

牡丹皮 各壹

溫經之劑氣血攻補備焉烏鷄煎丸劑治婦人胎前

產後諸般疾患並皆治之

烏雄鷄 壹隻

牡丹皮

烏藥

人參

石牀

白朮

黃芪 各壹

肉桂 去粗

蓬莪朮

陳皮 各壹

木香

草菓 各半

蒼朮 米泔浸切

附子 炮去

川烏 炮

玄胡索

琥珀

海桐皮

白芍藥

紅花

肉荑蓉

熟地黃 洗焙

右細剉用烏雄鷄一隻湯搏去毛及腸肚將上件藥安放鷄肚中用新磁瓶以好酒一斗同煮令乾去鷄骨以油單盛焙乾為細末煉蜜和丸如梧桐子大每服三十九胎前產後傷寒蜜糖酒下

胎前氣悶壯熱炒薑酒下 赤白帶下生薑地黃
酒下 產後敗血注心童子小便炒薑酒下 產
後血塊填築心腹疼痛玄胡索酒下 胎前嘔逆
薑湯下 催生炒蜀葵子酒下 安胎鹽酒下
室女經脉當通不通四肢疼痛煎紅花酒下 血
氣攻刺心腹疼痛煎當歸酒下 血暈櫻櫚燒灰
酒調吞下 血邪研硃砂麝香酒下 血悶煎烏
梅湯研硃砂下 子宮久冷溫酒或棗湯下空心
日一服 血風勞人參酒吞下 小腹疝痛炒茵
香鹽酒吞下 血散四肢遍身虛浮黃腫赤小豆

酒下 常服溫酒醋湯任下並空心食前服

溫經脫

小白薇丸和劑治婦人衝任虛損子藏受寒
久無子息及斷續不產此由上熱下冷百病滋生
或月水崩下帶滯五色腰腹疼重面黃肌瘦或因
產乳不能將護路則太早或久坐濕地或冷風從
下入血藏既虛風邪內乘或月水當行失於調攝
傷動胞絡陰陽不和上焦虛陽壅燥下藏邪冷結
伏致使胎孕不成冷極傷敗月水不勻飲食減少
夜多盜汗面上黧黯齒搖髮落脚膝疼重舉動少
力並宜服之

覆盆子

去梗

苜蓿

微炒

遠志

去心

桃仁

去皮尖炒黃

白茯苓

去皮

藁本

去苗

卷柏

去根

肉桂

去粗皮

人參

白芷

各參分

白龍骨

川椒

去日并合口者炒出汗

白薇

去苗各壹兩

乾薑

炮

細辛

去苗

蛇牀子

炒

當歸

去蘆

車前子

芎藭

各半兩

熟地黃

麥門冬

去心各壹兩半

右爲細末煉蜜和丸如梧桐子大每服二十九空心用溫酒或米飲送下此藥常服壯筋骨益血氣煖子宮除風冷令人有子

白聖丹

和劑

治婦人三十六病崩中漏下身瘦手足熱惡風怯寒咳逆煩滿抑息短氣心脇腰背肚腹與子藏相引痛漏下五色心常恐懼遇恚怒憂勞即發皆是內傷所致

白聖

牡蠣

煨研

細辛

禹餘糧

火煨紅醋淬研

龍骨

煨研

附子

炮去皮臍

石葦

去毛

烏賊魚骨

煨

黃連

去毛

茯苓

去皮

內桂

去粗皮

瞿麥穗

白歛

芍藥

白芷

白石脂

煨

當歸

去苗

乾薑

炮

人參

甘草 火各壹兩

川椒

去目并合口者
炒出汗半兩

右為細末煉蜜和丸如梧桐子大每服三十九空心用溫酒送下一方無人參

溫經養血

琥珀澤蘭煎和劑治婦人三十六種血氣八

風五痺七癥八瘕心腹刺痛中風癱瘓手足痠疼乳中結瘀妊娠胎動胎死不出產衣不下敗血湊心頭旋眼花血症四肢渾身浮腫衝任久虛絕產無嗣早晚服食或因有子經脈不調赤白帶下惡心嘔逆身體瘦倦懷入月一日一服滑胎易產

琥珀

澤蘭葉

牡丹皮

紫巴戟

去心糯米炒

茴香

五味子

五加皮

劉寄奴草

白芷

川當歸

酒浸

赤芍藥

金釵石斛

川芎

白芍藥

生地黃

熟地黃

洗焙

人參

白朮

附子

艾葉

醋炒糯米糊調成餅
焙乾而未各壹兩

右為細末煉蜜和丸如彈子大每服一九食前用溫酒磨化服 漏胎刺痛煮糯米飲下 寒熱往來四肢煩疼煎青蒿酒下 婦人室女經閉煎紅

花酒下 血暈不省人事童子小便和煖酒下
 催生雞子清和酒下 血氣血塊攻刺心腹燒秤
 錘淬酒下 傷寒及中風口噤煎麻黃湯下以被
 蓋出汗即愈 心驚悸及頭痛薄荷酒下 咳嗽
 煎桑白皮湯下 血風攻症渾身瘙癢頭面麻痺
 炒黑豆浸酒下 產後產前常服不生諸疾甚效
溫經理氣和血 內炙散和劑治婦人產前產後一切血
 疾血崩虛憊腹脇滿痛氣逆嘔吐冷血冷氣凝積
 塊硬刺痛泄下青白或下五色腹中虛鳴氣滿墜
 脹瀝血腰疼口吐清水頻產血衰顏色青黃勞傷

劣弱月水不調下血墮胎血迷血暈血痕時發疼
 痛頭目眩暈惡血上心悶絕昏迷惡露不乾體虛
 多汗手足逆冷並宜服之

茴香

藿香

丁皮

熟地黃

洗焙

肉桂

去皮各壹兩半

川芎

藁本

黃芪

去蘆

乾薑

炮各貳兩

木香

壹兩

陳皮

去白肆兩

白芍藥

拾兩

當歸

去蘆

山藥

白朮

白芷

甘草

炙赤各捌兩

右為末每服三錢水一大盞入生薑五片艾一團

同煎至七分空心食前熱服溫酒調亦得如產後下血過多加蒲黃煎惡露不快加當歸紅花煎水瀉加肉苳蔻末煎嘔吐加藿香生薑煎上熱下冷加荊芥煎但是腹中虛冷血氣不和並宜服之產後每自一服則百病不生丈夫虛冷氣刺心腹疼痛尤宜服之

和血溫經勝金丸 治婦人久虛無子及產前後一切病患兼治男子下虛無力此藥能安胎催生妊胎臨月服五七丸產時減痛婦人無子是子宮冷如服二十九丸男女自至又治積年血風脚手麻痺

半身不遂赤白帶下血如山崩及治產後腹中結痛吐逆心痛子死腹中繞臍痛氣滿煩悶失蓋汗不出月水不通四肢浮腫無力血勞虛勞小便不禁中風不語口噤產後痢疾消渴眼前見鬼迷暈敗血上衝寒熱頭痛面色痿黃淋瀝諸疾血下無度血痢不止飲食無味產後傷寒虛煩勞悶產後血癖產後羸瘦凡婦人眾疾不問年深日近並宜服之一方名不換金丸治婦人諸虛不足心腹疼痛

藁本

當歸

石脂赤白皆可

白芍藥

川芎不見火

白芷

玄胡

沒藥各壹兩

人參

牡丹皮

白朮米泔浸

甘草炙江西安撫司甘草沒藥減半

白薇

桂心

白茯苓

右為細末，鍊蜜和丸，如彈子大，每服一九溫酒化下。初產了，用熱醋湯下，食前服。此方係王承宣惠祖傳，渠家凡婦懷身，便服此藥，甚有神效。常服尤妙，係在京師於能家傳一方，有沉香無沒藥一方，有附子無沉香。

溫經理氣 沉香煎丸

沉香貳錢半

白木朱錢

縮砂仁

青皮

胡椒

訶子肉

丁香壹兩

官桂

白荳蔻

南木香

人參

陳皮

麝香貳兩

乾薑

檳榔各伍錢半

肉荳蔻

生薑屑

甘草各半兩

右為細末，鍊蜜和丸，如棗子大，每服一九細嚼，生薑湯下。溫紅酒亦可，空心食前，日進三服。

溫脫燥溼 溫中龍骨散 治腹下十二經絕產一日

白帶二日赤帶三日經水不利四日陰胎五日子
藏堅六日藏癖七日陰陽患痛八日肉強九日腹
寒十日藏閉十一日五藏酸痛十二日夢與鬼交
並宜服之

龍骨 冬兩

半夏

黃蘗

竈中黃土

桂心

乾薑 各貳兩

石葦

滑石 各壹兩

烏賊魚骨

代赭 各肆兩

白殭蠶 伍枚

右治下篩酒服方寸匕日二白多者加烏賊骨殭
蠶各二兩赤多者加代赭五兩小腹冷加黃隨二

兩子藏堅加乾薑官桂各二兩以上多相病增之
服藥三月有子即住藥大過多生兩子當審方取
好藥寡婦童女不可妄服

治無子之邪妙應丹

治婦人眾疾無所不治

晚蠶沙 炒

鯉魚鱗 燒為末

當歸 去蘆

石膏 煨研

澤蘭 去梗

附子 炮去皮臍

木香 炮各貳兩

熟地黃 酒洗蒸焙

防風 去蘆

蕪荑 炒

馬牙硝

柏子仁 微炒別研

川芎

人參

黃芪

蟬蛻 去足洗焙

白薇

檳榔 不見灰

川椒 微炒各壹兩

吳茱萸 湯泡去大

紅花 炒各半兩

藁本 去苗

白薑 炮

厚朴 去粗皮薑製

甘草 炙各參兩

右為細末鍊蜜搜和杵數千下丸如彈子大每服

一丸 血痕塊病綿灰酒下 催生細嚼溫酒下

血勞血虛桔梗酒下 血崩樓櫚灰酒下 血

氣痛炒白薑酒下 血風荆芥酒下 血暈悶絕

胎死腹中胞衣不下並用生地黃汁童子小便酒

各一盞煎一沸調下 常服醋湯溫酒化下並空

心食前服

積萬應紫苑丸

療臍腹久患痲痺如梳大及諸

黃病每地氣起時上氣衝心透臍絞痛一切蟲咬

上種水病十種蠱病反胃吐食嘔逆惡心飲食不

消天行時病婦人多年月水不通或腹如懷孕多

血天陰即發又治十二種風頑痺不知年歲晝夜

不安夢與鬼交頭白多屑或哭或笑如鬼魅所著

腹中積聚腹痛及治小兒驚癇大人癩狂一切風

及無孕婦人身上頑麻狀如蟲行四肢俱腫呻吟

等疾並皆治之功效不可具述

紫苑 去苗

柴胡 去鬚

葛蒲

吳茱萸

湯泡七次焙乾

厚朴

薑製各壹兩

桔梗

去蘆

茯苓

去皮

皂角

去皮

黃連

去鬚

桂枝

去蘆

乾薑

炮各捌分

川烏

泡去皮

羌活

去蘆

獨活

去蘆

防風

去蘆

巴豆

去皮出油

人參

去蘆

蜀椒

去目并閉口者微炒

出汗各半兩

右為細末研勻鍊蜜和丸如梧桐子大每服三丸漸加至五七丸食後臨卧生薑湯送下初有孕者不宜服 痔漏腸風酒下 赤白痢訶子湯下 膿血痢米飲湯下 墮傷血悶四肢不收酒下

蛔蟲咬心檳榔湯下

氣噎憂噎荷葉湯下

打

撲傷損酒下

中毒蒂灰甘草湯下

一切風疔

麻湯下

寸白蟲檳榔湯下

霍亂乾薑湯下

咳嗽杏仁湯下

腰腎痛豆淋酒下

陰毒傷寒

溫酒下

吐逆生薑湯下

食飲氣塊麩湯下

時氣井花水下

脾風陳皮湯下

頭痛茶下

心痛溫酒下

大小便不通燈草湯下

因物所

傷以本物湯下

吐水藜蘆湯下

熱病乾薑湯

下小兒天風吊搐防風湯下

防已亦可

小兒

疳痢葱白湯下

小兒乳食傷白湯下

月信不

通煎紅花酒下 婦人腹痛川芎湯下 懷孕半
 年後漏胎艾湯下 有子氣衝心酒下 產血暈
 溫酒下 血氣痛當歸酒下 產後心腹脹滿豆
 淋湯下 難產益智湯下 產後血痢當歸湯下
 赤白帶下酒煎艾湯下 解內外傷寒粥飲下
 室女血氣不通酒下 子死葵子湯下
 溫白丸 治婦人諸疾繼續而生帶下淋瀝五邪失
 心憂愁思慮意思不樂飲食無味月水不調及腹
 中一切疾病有似懷孕連年累月羸瘦困弊或歌
 或哭者或如鬼所使但服此藥無不愈者

桔梗 柴胡 菖蒲
 吳茱萸 湯泡七次焙乾 紫苑 去苗土
 肉桂 去粗皮 厚朴 去粗皮薑汁炙
 茯苓 去皮 皂角 去皮炙
 巴豆 去皮心膜出油 妙細研各半兩
 右為細末研勻煉蜜丸梧子大每服三丸漸加至
 五七丸食後臨卧薑湯送下
 黃連 去毛 人參 去蘆
 蜀椒 去目并合 川烏 炮去皮臍

[Faint bleed-through text from the reverse side of the page, including characters like 肉卦, 吳美, 卦財, 樂用, 黃, 首]

調經門

經候總論

良岐伯曰女子七歲腎氣盛齒更髮長一十七而天癸至任脉通太衝脉盛月事以時下天謂天真之氣癸謂壬癸之水壬為陽水配丁而化木癸為陰水合戊而化火故曰水火者陰陽之徵也女子陰類故得癸焉衝為血海任主胞胎一脉流通經血漸盈應時而下天真氣降與之從事故曰天癸也常以二旬一見以像月盈則虧不失其期又名月信也若遇經行最宜謹慎否則與產後證相類若被驚恐勞役則血

氣錯亂經脈不行多致勞瘵等疾若逆於頭面肢體之間則重痛不寧若怒氣傷肝則頭暈脇痛嘔血而瘰癧癰瘍若經血內滲則竅穴淋瀝無已凡此六淫外侵而變證百出犯時微若秋毫成患重如山岳可不畏哉 薛血者水穀之精氣也和調五臟灑陳六腑在男子則化為精在婦人上為乳汁下為血海故雖心主血肝藏血亦皆統攝於脾補脾和胃血自生矣凡經行之際禁用苦寒辛散之藥飲食亦然 良婦人月水不調由風邪乘虛客於胞中而傷衝任之脈損手太陽少陰之經蓋衝任之脈皆起於胞中

為經絡之海與手太陽小腸手少陰心經為表裏上為乳汁下為月水然月水為經絡之餘苟能調攝得宜則經應以時矣 薛經曰飲食入胃游溢精氣上輸於脾脾氣散精上歸於肺通調水道下輸膀胱水精四布五經並行東垣先生謂脾為生化之原心統諸經之血誠哉是言也竊謂心脾平和則經候如常苟或七情內傷六淫外侵飲食失節起居失宜脾胃虛損心火妄動則月經不調矣有先期而至者有後期而至者其說詳見後條蓋血生於脾土故云脾統血凡血病當用苦甘之劑以助陽氣而生陰血也

辨色丹經水者陰血也陰必從陽故其色紅稟火色也血為氣之配氣熱則熱氣寒則寒氣升則升氣降則降氣凝則凝氣滯則滯氣清則清氣濁則濁往往見有成塊者氣之凝也將行而痛者氣之滯也來後作痛者氣血俱虛也色淡者亦虛也而有水混之也錯經妄行者氣之亂也紫者氣之熱也黑者熱之甚也今人但見其紫者黑者作痛者成塊者率指為風冷而行溫熱之劑則禍不旋踵矣良由病原論月水諸病皆曰風冷乘之宜其相習而成俗也或曰黑北方水色也紫淡於黑非冷而何予曰經曰亢則害承

經色紫黑為熱

乃制熱甚者必兼水化所以熱則紫甚則黑也况婦人性熱而見鄙嗜欲加倍藏府厥陽之火無日不起非熱而何若曰風冷必須外得設或有之蓋千百一二者也冷證外邪初感入經必痛或不痛者久則鬱而變熱矣且寒則凝既行而紫黑故非寒也海四物加黃芩黃連湯 治經水如黑豆汁

四物湯 肆兩

黃芩

黃連

各壹兩

右為末醋糊丸服

丹月經黑口渴倦怠形短色黑脉不勻似數

赤芍藥

香附米

黃檗

黃芩 各叁錢

甘草 貳錢

各半

炒

右為末醋糊丸白湯下五六十九

永康胡八娘子二十歲二月經事不來忽行小腹痛有塊血紫色

白芍藥

白朮

陳皮各半兩

黃芩

川芎

木通各貳錢

甘草多許

何孺人氣滯血澀脈不瀆經不調或前或後紫色口苦兩太腿外膝麻木有時痒生瘡大便秘滯

麻子仁

桃仁

芍藥各貳兩

枳殼

白朮

歸頭

威靈仙

訶子肉

生地黄

陳皮各伍錢

大黃煨米錢

各為末粥丸如桐子大白湯下五六十九

經色淡為虛

丹經水色淡者氣血俱虛也宜八物湯之類八物者四物四君子也如兼它證隨證加藥

樓婦人年四十八因有白帶口渴月經多初血黑色後來血淡倦怠食少臍上急

白朮壹錢半

白芍藥

陳皮各壹錢

木通

枳殼

黃芩各伍分

縮砂仁

甘草各叁分

紅花壹許

右煎湯下保和丸參拾九抑青丸貳拾九
審多少 婦人病多是月經乍多乍少或前或後將發
 疼痛醫者不審一例呼為經病不知陽勝陰陰勝陽
 所以服藥無效蓋陰氣乘陽則包藏寒氣血不運行
 經所謂天寒地凍水凝成冰故令乍少而在月後若
 陽氣乘陰則血流散溢經所謂天暑地熱經水沸溢
 故令乍多而在月前當和血氣平陰陽斯為福也
 陽勝陰月候多者當歸飲
 當歸飲 抑陽助陰調理經脉
 當歸 微炒 地黄 酒蒸焙 川芎 黃

白朮

白芍藥

黃芩

各等分

每服參錢水一盞半煎至八分空心溫服
 陰勝陽月候少者七沸湯
 七沸湯 治榮衛虛經水愆期或多或少腹痛

當歸

川芎

白芍藥

蓬朮

熟地黄

川薑

木香 各等分

每服肆錢水一盞半煎至八分溫服
 經水過多為虛熱為氣虛不能攝血
 海四物加黃芩白朮湯 治經水過多

四物湯 肆兩

黃芩

白朮 各壹兩

丹經水過多

黃芩 炒

芍藥 炒

龜板 炙各壹兩

椿樹根皮 半

黃蘗 炒叁錢

香附 貳錢半

右為末酒糊丸空心白湯下五六十九

丹一婦人脉弦而大不數形肥初夏時倦怠月經來時多此稟受弱氣不足攝血故行多

白朮 壹錢半

黃芪 生

陳皮 各壹錢

人參 伍分

甘草 炙叁分

經水澀少為虛為澀虛則補之澀則瀉之

海四物加葵花湯

治經水澀少

四物湯 肆兩

葵花 壹兩

一乃又加紅花血見愁

四物湯加熟地黄當歸湯治經水少而色和

四物湯 肆兩

熟地黄

當歸 各壹兩

脉師曰有一婦人來診言經水少不如前者何也師曰曾更下利若汗出小便利者可何以故師曰人其津液故令經水反少設經下多於前者當所苦困當言恐大便難身無復汗也

先期後期

王子亨曰經者常候也謂候其一身之陰

陽愆伏知其安危故每月一至太過不及皆為不調

陽太過則先期而至陰不及則後時而來其有乍多乍少斷絕不行崩漏不止皆由陰陽衰盛所致
 經不及期者血熱四物湯加黃連 肥人不及日數而多痰者血虛有熱南星白朮蒼朮黃連香附川芎作丸 薛先期而至者 有因脾經血燥者宜加味道遙散 有因脾經鬱滯者宜歸脾湯 方見雜病健忘門
 有因肝經怒火者宜加味小柴胡湯 方見傷寒少陽病
 有因血分有熱者宜加味四物湯 即四物加柴胡丹皮山梔
 因勞役火動者宜補中益氣湯 方見雜病勞倦門
 先期湯 治經水先期而來宜涼血固經

生地黃

川當歸

白芍藥 各貳錢

黃蘗

知母 各壹錢

條芩

黃連

川芎

阿膠 炒各捌分

艾葉

香附

炙甘草 各柒分

水一鍾煎一鍾食前溫服

金匱土瓜根散 治帶下經水不利小腹滿痛經一月再見者

上瓜根

芍藥

桂枝

麋蟲 各柒錢半

右四味杵為散酒服方寸匕日三服

按仲景此方乃破堅下血之劑則經不及期有汗血者矣前論所未及也欲知汗血有無須以小腹滿痛與不滿痛別之

丹經水過期血少川芎當歸人參白朮與痰藥過期色淡者痰多也二陳湯加芎歸過期色紫有塊血熱也必作痛四物湯加香附黃連薛過期而至者有因脾經血虛者宜人參養榮湯有因肝經血少者宜六味地黃丸有因氣虛血弱者宜八珍湯三方並見雜病虛勞門過期飲治經水過期不行乃血虛氣滯之故法當

補血行氣

熟地黃

香附 各貳錢

桃仁泥 陸分

甘草

水一鍾煎一鍾食前溫服

滋血湯 治婦人心肺虛損血脉虛弱月水過期

人參

白茯苓 去皮

白芍藥

白芍藥

川芎 壹錢

蓬莪茂

肉桂 各肆分

山藥

川芎

熟地黃 各壹錢半

當歸

紅花 柒分

木通 各伍分

黃芪 各壹錢

當歸

右作一服水一鍾煎至一鍾食前服

脉師曰脉微血氣俱虛年少者亡血也乳子下利為
可否者此為居經三月一來師曰寸口脉微而澀微
則衛氣不足澀則血氣無餘衛不足其息短其形躁
血不足其形逆榮衛俱虛言語謬誤跌陽脉浮而澀
澀則衛氣虛虛則短氣咽燥而口苦胃氣澀則失液
少陰脉微而遲微則無精遲則陰中寒澀則血不來
此為居經三月一來 問曰婦人妊娠三月師脉之
言此婦人非軀氣月經當下其脉何類何以別之師
曰寸口脉衛浮而大榮反而弱浮大則氣強反弱則

少血孤陽獨呼陰不能吸一氣不停衛降榮竭陰為
積寒陽為聚熱陽盛不潤經絡不足陰虛陽往一作實
故令少血時發洒淅咽燥汗出或溲稠數多唾涎沫
此令重虛津液漏泄故知非軀畜煩滿血月稟一經
三月一來陰盛則瀉名曰居經謂右脉浮大左脉反弱也
調經平劑 簡易方當歸散 治經脉不勻或三四月
不行或一月再至

當歸

川芎

白芍藥炒

黃芩炒各壹兩

白朮

山茱萸肉壹兩半

右為細末空心温酒調下貳錢日三服 如冷去

黃芩加肉桂壹兩

人參養血丸和劑 治女人稟受素弱血氣虛損常服

補衝任調經候暖下元生血氣

烏梅肉叁兩 熟地黄伍兩

人參 川芎 赤芍藥

蒲黃炒各壹兩

右為細末煉蜜丸梧子大每服八十九溫酒米飲任下

逍遙散和劑 治血虛煩熱月水不調臍腹脹痛痰嗽

潮熱

當歸

白朮

白芍藥

柴胡

茯苓各壹兩

甘草炙半兩

右咬咀每服半兩入薑薄荷葉煎服

薛新甫加牡丹皮山梔炒各伍分名加味道逍遙散

神巧萬全方無當歸芍藥甘草有人參黃芪各等分

增損四物湯 治月事不調心腹疼痛補血溫經注

頭

川芎

當歸

芍藥

熟地黄

牡丹皮

白朮各壹錢半

地骨皮

壹錢

右作一服用水二鍾煎至一鍾食前服

濟生方論曰內經云百病皆生於氣經有所謂七氣有所謂九氣喜怒憂思悲恐驚者七氣也七情之外益之以寒熱二證而為九氣也氣之為病男子婦人皆有之惟婦人血氣為患尤甚蓋人身血隨氣行氣一壅滯則血與氣併或月事不調心腹作痛或月事將行預先作痛或月事已行淋瀝不斷心腹作痛或遵腰脇或引背脊上下攻刺吐逆不食甚則手足搐搦狀類驚瀆或作寒熱或為癥瘕肌肉消瘦非特不

能受孕久而不治轉而為瘵疾者多矣

戴復菴云婦人每月經水應期而下不使有餘猶太陰之缺也其有或先或後或少或多或欲來先病或遇來而斷續皆謂之不調和氣飲加香附子半錢兼

嚙獨附丸

升麻和氣飲

見雜病水腫門

澹寮煮附丸

治經候不調血氣刺痛腹脇膨脹頭

暈惡心崩漏帶下並宜服之

香附子

擦去皮不以多少米醋浸

右醋糊為丸梧子大日乾每五十九丸淡醋湯下

周經

女科

四

一方香附壹斤艾葉肆兩當歸貳兩製同名艾附

沉香降氣散 順氣道通血脈

烏藥

木香

香附子

縮砂仁

甘草 各等分

右為細末每服貳錢空心鹽湯調下

嚴氏抑氣散

治婦人氣盛於血變生諸證頭暈膈

滿

香附子 肆兩

茯苓

甘草 各壹兩

陳皮 貳兩

右為末每貳錢食前沸湯調下

紺珠正氣天香湯

治婦人一切氣氣上湊心心胸

攻築脇肋刺痛月水不調

台烏藥 貳錢

香附子 捌錢

陳皮

蘇葉 各壹錢

乾薑 半錢

右咬咀每七八錢水煎服

右抑氣例

煮附丸醋製佐以當歸則氣中之血

藥也今世以童便酒醋鹽水四製而以四物佐之

皆本於此人人知之故不著

氣鬱多者宜於雜

病氣證門中選用不必拘此

東垣益胃升陽湯

治婦人經候不調或血脫後脉

弱食少水泄日二三行

黃芪 貳錢

白朮 叁錢

炒麴 壹錢半

當歸身

陳皮

炙甘草

人參 各壹錢

升麻

柴胡 各半錢

黃芩 半錢 秋去之

右收咀每服半兩水煎腹痛加芍藥嗽去人參

補中益氣湯

治婦人室女經候不調脉微食少體

倦或熱 方見雜病首

四君子湯

六君子湯

方見雜病首 冊虛勞門

右補氣例

調經暖劑

大温經湯

金匱

治衝任虛損月候不調或

來多不已或過期不行或崩中去血過多或經損
娠瘀血停留小腹急痛五心煩熱並皆治之

吳茱萸 湯泡

牡丹皮

白芍藥

肉桂 去麤皮

人參

當歸 去蘆

芎藭

阿膠 碎炒

甘草 炙各 壹錢

麥門冬 去心 貳錢

半夏 貳錢半

右作一服用水二鍾生薑五片煎至一鍾食前服

小温經湯 簡

治經候不調血臧冷痛

調經

女科

經

當歸

附子炮各等分

右咬咀每服參錢水一盞煎捌分空心溫服

溫經湯和劑治婦人血海虛寒月水不調

川芎

當歸

芍藥

蓬朮

各壹錢半

人參

牛膝

各貳錢

桂心

牡丹皮

各壹錢

甘草

半錢

水二鍾煎至一鍾不拘時服

滋血湯 滋養榮血補婦人治血海久冷

當歸

壹錢半

川芎

麥門冬

去心

牡丹皮

人參

芍藥

琥珀

另研各壹錢

半夏麴

官桂

阿膠

炒

酸棗仁

甘草

各半錢

右作二服水二鍾生薑三片煎至一鍾食前服

加味吳茱萸湯 治衝任衰弱月候愆期或前或後

或崩漏不止赤白帶下小腹急痛每至經脉行時

頭眩飲食或少氣滿心怯肌肉不澤悉皆治之

半夏

貳錢

吳茱萸

當歸

各壹錢半

麥門冬

去心

乾薑

白茯苓

苦梗

南木香

防風

牡丹皮

甘草

各壹錢

官桂

北細辛 各半錢

右作一服水二鍾生薑三片紅棗一枚煎至一鍾食前服

桃仁散 治婦人月水不調或淋瀝不斷斷後復來狀如瀉水四體虛倦不能飲食腹中堅痛不可行動月水或前或後或經月不來多思酸物

桃仁 半夏 當歸

川牛膝 桂心 人參

蒲黃 牡丹皮 川芎

澤蘭葉 各壹錢 赤芍藥 生地黄 各壹錢半

粉草 半錢

右作一服水二鍾生薑三片煎至一鍾食前服

薑黃散 治血臟久冷月水不調臍腹刺痛

薑黃 片子者 白芍藥 各貳錢 玄胡索

牡丹皮 當歸 各壹錢半 蓬朮

紅花 桂心 川芎 各壹錢

右作一服水二鍾酒半鍾煎至一鍾不拘時服

紫石英丸 本治婦人病多是月經乍多乍少或前或後時發疼痛醫者一類呼為經病不曾說是陰勝陽是陽勝陰所以服藥少效蓋陰氣乘陽則胞寒

氣冷血不運行經所謂天寒地凍水凝成冰故令
乍少而在月後若陽氣乘陰則血流散溢經所謂
天暑地熱經水沸溢故令乍多而在月前當別其
陰陽調其血氣使不相乘以平為期宜服此丸

紫石英 細研水飛

川烏 炮

杜仲 炒去絲

禹餘糧 煨醋

遠志 去心

澤瀉

桑寄生

桂心

龍骨 別研

當歸

人參

肉蓯蓉 酒浸

石斛

乾薑 炮

五味子

甘草 炙各壹兩

牡蠣 煨

川椒 去目并合口者不用

炒出汗各半兩

右為細末煉蜜和丸如梧桐子大每服二十九食
前用米飲湯下

暖宮丸 治衝任虛損下焦久冷月事不調不成孕

育崩漏下血赤白帶下並皆治之

生硫黃 陸兩

赤石脂 火煨

海螵蛸

附子 炮去皮臍各叁兩

禹餘糧 炮兩火

右為細末醋糊為丸如梧桐子大每服二十九空
心用溫酒或醋湯送下

內補當歸丸 治血氣虛損月水不調或崩中漏下

去血過多肌體羸困及月水將行腰腿重痛並皆治之

當歸去蘆炒

阿膠炒

白芷

續斷

乾薑炮

芎藭

甘草炙各肆兩

熟地黄半兩

附子炮去皮臍

白芍藥

肉桂各貳兩

吳茱萸湯泡焙

白朮各叁兩

蒲黃搗錢炒

右為細末煉蜜和丸如梧桐子大每服五十九空心用溫酒送下

熟乾地黄丸 治婦人風虛勞冷胃弱水穀不化或

腸虛受冷大便時泄或月水不調淋瀝不止或閉斷不通結聚癥瘕久不成胎一切諸虛之證

熟地黄

五味子各壹兩半

栝子仁炒另研

牛膝去苗酒浸焙

芎藭

禹餘糧火煨醋淬

白茯苓去皮

肉苁蓉酒浸

卷栢去根

山藥

厚朴去麋皮製

乾薑炮

白芷

細辛去苗

防風已上各壹兩

赤石脂貳兩煨另研

杜仲去麋皮炙

蕪荑炒

人參去蘆

川椒去目并合口者

蛇床子

艾葉炒

續斷各柒錢半

紫石英煨另研水飛

石膏

煨另研各參兩

當歸

去蘆炒

澤蘭

去梗

官桂

去麋皮各貳兩貳錢半

石斛

壹兩壹錢半

甘草

炙壹兩柒錢半

右為細末煉蜜為丸如梧桐子大每服五十九空

心用溫酒或米飲送下

禹餘糧丸

治血虛煩熱月水不調赤白帶下漸成崩漏

禹餘糧

火煨醋碎

白石脂

各壹兩

附子

炮去皮臍

鼈甲

去裏醋炙

桑寄生

壹兩

白朮

炒

厚朴

去麋皮製

當歸

去蘆

柏葉

炒

乾薑

炮各壹兩

白芍藥

各壹兩

狗脊

去毛各壹兩

吳茱萸

湯泡焙半兩

右為細末煉蜜和丸如梧桐子大每服五十九空

心用溫酒或米飲湯送下

鹿茸丸 治衝任虛損又為風寒所乘尺脉微小甚者可灸關元穴

鹿茸

炙

赤石脂

各壹兩

禹餘糧

各壹兩

續斷

貳兩

栢葉

酒浸

附子

炮

熟地黃

各壹兩

當歸

酒浸

艾葉

各柒錢半

右為末酒糊丸梧子大每服五十九空溫酒下按此足少陰厥陰藥也今人多用之故收入治血

虛濕勝帶下甚捷

升陽舉經湯東垣治經水不調右尺脉按之空虚是氣血俱脫大寒證輕手其脉數疾舉指弦緊或澀皆陽脫之證陰火亦亡見熱證於口鼻眼或渴此皆陰躁陽欲去也當溫之降之引之燥之此法大升浮血氣補命門之下脫也諸藥言根近苗處去留便是

柴胡根

當歸根

白朮

黃芪各叁錢

藁本去土

羌活根

防風根各貳錢

紅花

白芍藥各伍分

獨活根壹錢半

桃仁去皮尖研拾枚

細辛陸分

川芎

熟地黄水中沉者

人參去蘆

黑附子炮去皮臍

甘草稍炙各壹錢

肉桂去麤皮秋冬伍分夏不用

右為麤末每服貳錢水一盞煎至八分空心稍熱服

調經破血之劑

紅花當歸散

治婦人血臟虛竭或

積瘀血經候不調或斷續不定時作腹痛腰膝重疼攻刺小腹緊硬及室女月水不通並皆治之

紅花

紫葳

牛膝

白芷

蘇木搥碎各壹錢

桂心壹錢半

當歸尾

甘草 半錢

劉寄奴 各錢

赤芍藥 各錢

右作一服水一鍾酒一鍾同煎至一鍾空心服

大玄胡索散 治婦人經病并產後腹痛或腹滿喘

悶或癥瘕癖塊及一切心腹暴痛

玄胡索

赤芍藥

川棟子 去核

蓬莪朮

京三稜 煨

厚朴 薑製

當歸

黃芩

川芎

桔梗

檳榔 各壹錢

木香

官桂 去麤皮

甘草 各半錢

大黃 貳錢

右作一服水一鍾煎至一鍾食前服

鼈甲丸 治婦人月經不調肌肉黃瘁脇下積氣結

痛時發刺痛漸成勞狀

鼈甲 去羣 醋炙

桂心

三稜 醋煮

牡丹皮

牛膝 去苗

琥珀

訶子 取肉

菝仁 去皮尖雙 仁者麩炒

土瓜根

大黃 煨 已上 各等分

右為細末煉蜜為丸如梧桐子大每服十五丸食前用桃仁湯送下

針灸 心月經不調

陰獨 二分此穴大効須待經定 為度在足四指間三壯

東又法內踝下白肉際青脉上灸隨年壯

集又法 中極 二陰交 腎俞 氣海

心經閉久忽大崩復又斷絕復又大行不調者 豐

隆六分 石門五分

婦人五旬經斷後再行或多或少或瘀或紅並下腹

中氣滿如胎孕 天樞 中脘 氣海各五分

甲婦人漏下苦血閉不通逆氣脹血海主之 女子

胞中痛月水不以時休止天樞主之千金作腹脹腸

小腹脹滿痛引陰中月水至則腰脊痛胞中瘕子

門有寒引臛臞水道主之千金引臛臞作

身痛產寶經水者行氣血通陰陽以榮於身者也氣

血盛陰陽和則形體通或外虧衛氣之充養內乏榮

血之灌溉血氣不足經候欲行身體先痛也

越痛散 治血氣虛寒身體作痛

虎骨伍銖 茯苓 甘草

藁本 防風 白芷

當歸 芍藥 續斷

白朮 附子各叁銖

右為麤末每服五錢水二盞薑五片棗二枚煎至一盞不拘時服

腹痛良婦人經來腹痛由風冷客於胞絡衝任或傷
手太陽少陰經用溫經湯桂枝桃仁湯若憂思氣鬱
而血滯用桂枝桃仁湯地黄通經丸方見經閉若血結而
而成塊用萬病丸薛前證若風寒傷脾者六君子
加炮薑方見雜病虛勞思慮傷血者四物加參朮方見雜病虛勞思
慮傷氣者歸脾加柴梔方見雜病健忘鬱怒傷血者歸脾道
遙兼服餘參前後論治之戴經事來而腹痛者經
事不來而腹亦痛者皆血之不調故也欲調其血先
調其氣四物湯加吳茱萸半錢香附子壹錢和氣飲
加茱萸半錢亦可用痛甚者玄胡索湯然又恐感外

邪傷飲食致痛痛不因血尤宜詳審和氣飲却能兼
治因冷而節因節而痛宜大溫經湯冷甚者去麥門
冬不用

丹抑氣丸治臨經之時腹痛以四物湯加玄胡索陳
皮牡丹皮甘草痛甚以豆淋酒痛少以童便煮香附
入條芩為丸經水將來而痛者四物湯加桃仁香附
黃連

將行時
痛為滯

海入物湯 治經事將行臍腹絞痛臨經痛者血澀
故也

川芎 貳錢

當歸

芍藥

熟地黄

各貳錢

木香

檳榔

玄胡索

苦棟

碎炒焦
各壹錢

右作一服水二鍾煎至一鍾食前服

經成塊
為滯

〔本〕治婦人月經壅滯每發心腹臍疔痛不可忍及治產後惡露不快血上搶心迷悶不省氣絕欲死者

琥珀散

京三稜

蓬莪朮

赤芍藥

劉寄奴

牡丹皮

熟地黄

官桂

菊花

真蒲黃

當歸各壹兩

濟生方無菊花蒲黃有玄胡索烏

藥

右前五味用烏豆一升生薑半斤切片米醋四升同煮豆爛為度焙乾入後五味同為末每服二錢溫酒調下空心食前服一方不用菊花蒲黃用烏藥玄胡索亦佳予家之秘方也若是尋常血氣痛只一服產後血衝心二服便下常服尤佳予前後救入急切不少此藥亦宜多合以濟人

〔大〕交加散

治榮衛不和月經湛濁逐散惡血腹痛

經血諸疾並皆治之

生薑

貳斤搗取
洗在滓用

生地黄

貳斤取
洗在滓

白芍藥

當歸

桂心

各壹兩

紅花

炒無惡血不用

沒藥

另研各半兩

玄胡索

醋紙包煨熟用布擦去皮

蒲黃

隔紙炒各壹兩

右將地黄汁炒生薑滓生薑汁炒地黄滓各焙乾

用諸藥為細末每服三錢温酒調下若月經不

依常蘇木煎酒調下若腰痛糖酒調下

交加地黄丸治婦人經不調血塊氣痞肚腹疼痛

生地黄

搗汁存滓

老生薑

搗汁存滓各壹斤

玄胡索

當歸

川芎

芍藥

明沒藥

木香

桃仁

去皮尖

人參

各半兩

香附

半斤

右為末先以生薑汁浸地黄滓以地黄汁浸生薑

滓晒乾皆以汁盡為度共十味作一處晒乾研

為末醋糊為丸空心以薑湯下

大交加散治婦人榮衛不通經脉不調腹中撮痛

氣多血少結聚為癥產後中風

生地黄

生薑

各伍兩各研取汁

右交互取汁浸一夕各炒黃漬汁盡為度末之尋

常腹痛酒調下三錢產後尤不可闕

温經湯

方見前

雲桂枝桃仁湯

治經候前腹痛不可忍

桂枝

芍藥

生地黄

桃仁肆拾枚

甘草壹兩

各貳兩

右為麤末每服五錢水二盞薑三片棗一枚同煎去滓溫服

玄胡索湯濟生治婦人室女七情傷感遂使血與氣併

心腹作痛或連腰脇或引背脊上下攻刺甚作搗

搗經候不調但是一切血氣疼痛並可服之

當歸去蘆酒浸剉炒

玄胡索炒去皮

蒲黃炒

赤芍藥

官桂不見火

片子薑黃洗

乳香

沒藥

木香

甘草炙貳錢半

不見火 各叁錢

右咬咀每服四錢水一盞半生薑七片煎至七分去滓食前溫服吐逆加半夏橘紅各半兩

丹痧血

香附子醋煮肆兩

桃仁去皮尖

牡丹皮

大黃蒸

當歸各壹兩

川芎

紅花各半兩

瓦龍子煨醋煮壹晝夜貳兩

三神丸 治室女血氣相搏腹中刺痛引心端經

行澀少或經事不調以致疼痛

橘紅貳兩

玄胡索去皮醋煮

當歸去蘆酒浸到略炒各壹兩

右為細末酒煮米糊為圓如梧桐子大每服七十圓加至百圓空心艾湯送下米飲亦得

垣柴胡丁香湯 治婦人年三十歲臨經預先臍腹

痛甚則腹中亦痛經縮一二三日

柴胡

羌活

丁香

全蝎

當歸身

生地黄

右都作一服水四盞煎至一盞去香稍熟食前服

沒藥除痛散 逐寒邪療腹痛

蓬朮炮壹兩

當歸焙

玄胡索

五靈脂

肉桂去麋皮

良薑炒

蒲黃炒

甘草炙

沒藥各半兩

右為末每服五錢温酒調服

婁一婦人三十歲每因浴後必用冷水淋通身又嘗

大驚遂患經來時必先少腹大痛口吐涎水然後經

行行後又吐水二日其痛直至六七日經水止時左

任百藥不効予診其脉寸滑大而弦關尺皆弦大而

急尺小於關關小於寸所謂前大後小也遂用香附

參兩半夏貳兩茯苓黃芩各壹兩半枳實玄胡牡丹

皮人參當歸白朮桃仁各壹兩黃連柒錢川棟遠志
甘草各半兩桂叁錢茺蔚壹錢半分十五貼水煎入
生薑汁兩蜆殼熟服後用熱湯洗浴得微汗乃已忌
當風坐臥手足見水并喫生冷服三十貼全愈半年
後又因驚憂前病復舉腰腹時痛小便淋閉心惕惕
跳驚悸予意其表已解病獨在裏先與灸少衝勞宮
崑崙三陰交止悸定痛次用桃仁承氣大下之下後
用香附叁兩蓬木當歸身各壹兩半三稜玄胡索桂
大黃青皮俱醋制青木香懷香滑石木通桃仁各壹
兩烏藥甘草縮砂檳榔苦楝肉各半兩木香吳茺萸

各貳錢分作二十貼入新取牛膝濕者貳錢生薑五
片用荷葉湯煎服服訖漸安

右行血例

加味烏沉湯

治婦人經水欲來臍腹疔痛

烏藥

縮砂

木香

玄胡索

各壹兩

香附

炒去毛

甘草

壹兩半

右細剉每服七錢水一盞半生薑三片煎至七分

不拘時溫服

右抑氣例

一婦人經行腹痛食則嘔吐肢體倦怠發熱作渴

此乃素稟氣血不足用八珍湯二十餘貼而愈後生
于二年而經不行前證仍作服八珍湯逍遙散百餘
劑方愈入珍湯即雜病虛勞門入物湯

右補虛例

汪一婦人瘦小年二十餘經水紫色或前或後臨行
腹痛惡寒喜熱或時感寒腹亦作痛脉皆細濡近滑
兩尺重按略洪而滑此血熱也或謂惡寒如此何謂
為熱曰熱極似寒也遂用酒煮黃連肆兩香附歸身
尾各貳兩五靈脂壹兩為末粥丸空腹吞之而愈
一婦年二十一歲六月經行腹痛如刮難忍求死脉

得細軟而駛尺則沉弱而近駛汪曰細軟屬濕數則
為熱尺沉屬鬱滯也以酒煮黃連半斤炒香附陸兩
五靈脂半炒半生叁兩歸身尾貳兩為末粥丸空心
湯下三四錢服至五六料越九年得一子又越四年
經行兩月不斷腹中微痛又服前丸而愈續後經行
六七日經止則流清水腹中微痛又服前丸而痛亦
止又經任只有七八日若至行時或大行五六日續
則適來適斷或微紅或淡紅行後常流清水小腹大
痛漸連遍身胸背腰腿骨裏皆痛自已至酉乃止痛
則遍身冷熱汗大出汗止痛減尚能飲食自始痛至

今歷十五年前藥屢服屢効今罔効者何也汪復診之脉皆洪滑無力幸其尚有精神汪曰此非舊日比矣舊乃鬱熱今則虛寒東垣曰始為熱中終為寒中是也經曰脉至而從按之不鼓乃陰盛隔陽當作寒治且始病時而形斂小今則形肥大矣醫書曰瘦人血熱肥人氣虛豈可同一治耶所可慮者汗大泄而脉不為汗衰血大崩而脉不為血減耳其痛日重夜輕知由陽虛不能健運故亦凝滯而作痛以證參脉宜用助陽若得脉減痛輕方為佳兆遂投參芪歸朮大劑加桂附一貼來早再診脉皆稍寧服至二三十

貼時當二月至五月病且愈蓋病有始終寒熱之異藥有前後用舍不同形有肥瘦壯少不等豈可以一方而通治哉

丹經過後而作痛者乃虛中有熱所以作痛新荷姐頭痛口乾經行後身痛腰甚痛

生地黃

白朮

芍藥 各壹錢

芩薊

歸身尾

各伍分

黃蘗 炒

甘草

炙各叁分

右用水入少酒煎服

按經後腹痛為虛明甚若脉不數證無顯熱未可斷其為熱也無熱八珍為宜有熱逍遙為宜

右寒熱例

發熱 吳芩山治一婦經血過多五心煩熱日晡潮熱諸藥不効以四物加胡黃連三服而愈 薛新甫治一婦人發熱口乾月經不調兩腿無力服祛風滲濕之劑腿痛體倦一膝浮腫經事不通薛作肝脾腎三經血虛火燥證名鶴膝風用六味八味二丸兼服兩月形體漸健飲食漸進膝腫漸消不半載而痊前證若脾腎虛寒腿足軟痛或足膝枯細用八味丸若飲食過多腿足或醫內痰脹或浮腫作痛用補中益氣加茯苓半夏主之 一婦人經候過期發熱倦怠或

用四物黃連之類反兩月一度且少而成塊又用峻藥通之兩目如帛所蔽薛曰脾為諸陰之首目為血脉之宗此脾傷五臟皆為失所不能歸于目矣遂用補中益氣濟生歸脾二湯專主脾胃年餘尋愈 一婦人月事未期而至發熱自汗服清熱止汗之劑反作渴頭痛手掉身麻此因肝經風熱用柴胡炒芍連炒山梔歸芍生地丹皮各壹錢參芪苓朮各壹錢伍分川芎七分甘草五分一劑其汗全止更以補中益氣而愈凡發熱久者陽氣亦自病須調補之 一婦人氣血素虛經行不調飲食少思日晡熱甚用十全

大補加山茱萸山藥丹皮麥門冬五味子而愈次年
 秋患寒熱或用清脾飲而元氣愈弱仍以前藥而愈
 一婦人素勤苦冬初患咳嗽發熱久而吐血盜汗
 經水兩三月一至偏身作痛或用化痰降火藥口噤
 筋攣此血虛而藥益損耳用加減八味丸及補中益
 氣加來門五味山藥治之年餘而痊
 寒熱經水適來適斷者或有往來寒熱者先服小柴
 胡湯以去其寒熱後以四物湯和之
 本婦人血脈不調往來寒熱狀如勞倦

當歸

川芎

甘草

黃芪

官桂

熟地黄

白朮

白芍藥

柴胡

阿膠

各半兩

去麤皮
各壹兩

各貳兩

為細末每服五錢棗一枚水煎空心溫服白湯煎
 服亦得常服不生帶下調血脈養子宮終身無病
 太倉公治一女病腰背痛寒熱眾醫皆以為寒熱也
 公診之曰內寒月事不下也即竄以藥旋下病已病
 得之欲男子不可得也所以知其病者診其脈時切
 之腎脈也嗇而不屬嗇而不屬者其來難堅故曰月
 不下肝脈弦出左口故曰欲男子不可得也蓋男子

以精為主婦人以血為主男子精盛則思室女子月
盛則懷胎夫肝攝血者也厥陰弦出寸部又上魚際
則陰血盛可知矣別詳師尼 寡婦條內薛新甫治一婦人耳
內或耳後項側作痛寒熱口苦月經不調此肝火氣
滯而血凝用小柴胡加山梔川芎丹皮治之諸證悉
退月事不行而寒熱者詳經閉門

熱入血室良婦人傷寒傷風發熱經水適來晝則安
靜暮則譫語有如瘧狀此為熱入血室治者無犯胃
氣及上一焦宜服小柴胡湯若脈遲身涼當刺期門
穴下針病人五吸停針良久徐徐出針凡針期門穴

必瀉勿補肥人一寸瘦人寸半也 昏前證若因勞
役或怒氣發熱適遇經行而患前證者亦用小柴胡
湯加生地黄治之血虛用四物加柴胡若病既愈而
熱未已或元氣素弱並用補中益氣湯脾氣素鬱用
濟生歸脾湯血氣素虛用十全大補湯 許學士治
一婦人病傷寒發寒熱遇夜則如見鬼狀經六七日忽
然昏塞延響如引鋸牙關緊急瞑目不知人病勢危
困許視之曰得病之初曾值月經來否其家云經水
左來病作而經遂止得一二日發寒熱晝雖靜夜則
有鬼祟從日昨不省人事許曰此乃熱入血室證仲

景云婦人中風發熱惡寒經水適來晝則明了暮則
譊語如見鬼狀發作有時此名熱入血室醫者不曉
以剛劑與之遂致胸膈不利涎潮上脫喘急息高昏
冒不知入當先化其痰後除其熱乃急以二呷散投
之兩時頃涎下得睡省人事次授以小柴胡湯加生
地黃三服而熱除不汗而自解矣 一婦人患熱入
血室證醫者不識用補血調氣藥治之數日遂成血
結胸或勸用前藥許公曰小柴胡已遲不可行也無
已刺期門穴斯可矣予不能針請善針者治之如言
而愈或問熱入血室何為而成結胸也許曰邪氣傳

入經絡與正氣相搏上下流行遇經水適來適斷邪
氣乘虛入于血室血為邪所迫上入肝經肝受邪則
譊語而見鬼復入膈中則血結于胸中矣何以言之
婦人平居水養木血養肝方未受孕則下行之為月
水既孕則中畜之以養胎及已產則上壅之以為乳
皆血也今邪逐血併歸于肝經聚于膈中結于乳下
故手觸之則痛非藥可及故當刺期門也 虞恒德
治一少婦夏月行經得傷寒似瘧譫語狂亂諸醫皆
以傷寒內熱投雙解散解毒湯服之大汗如雨反如
風狀次以牛黃丸金石之藥愈投愈劇一日延虞診

視脉弦而大虞思傷寒內熱狂亂六陽俱病豈不口
乾舌黑况脉不數病體捫之或熱或靜其腹急痛意
必有內傷在前傷寒在後今傷寒得汗雖已內傷則
尚存故也因細問之患者曰正行經時因飲食後多
汗用冷水抹身因得此證方知冷水外閉其汗內阻
其血邪熱入室經血未盡血得邪熱乍靜乍亂寒熱
譫語掉眩類風須得玉燭散下之而愈下後譫語已
定次以四物小柴胡湯調理五日熱退身涼其患遂
瘳衍義云一婦人溫病已十日診之其脉六七
至而濇寸稍大尺稍小發寒熱頰赤口乾不了了耳

聾問之病數日經水乃行此屬少陽熱入血室也若
治不對病則必死乃按其證與小柴胡湯服之一日
又與小柴胡湯加官桂乾薑一日寒熱遂止又云臍
下急痛又與抵當丸微利臍下痛痊身漸涼脉漸勻
尚不了了乃復與小柴胡湯次日但胸中熱躁口鼻
乾又少與調胃承氣湯不得利次日心下痛又與大
陷胸湯半服利三行次日虛煩不寧時妄有所見復
狂言雖知其尚有燥屎以其極虛不敢攻之遂與竹
葉湯去其煩熱其夜大便自通至晚兩次中有燥屎
數枚而狂言虛煩盡解但咳嗽唾此肺虛也若不治

恐成肺痿遂與小柴胡湯去人參大棗生薑加乾薑
 五味子湯一日咳減二日而病悉愈以上皆用仲景
 方薛立齋治一婦人經行感冒風寒日間安靜至
 夜譫語用小柴胡加生地治之頓安但內熱頭暈用
 補中益氣加蔓荊子而愈後因惱怒寒熱譫語胸脇
 脹痛小便頻數月經先期此是肝火血熱妄行用加
 味道遙加生地黃而愈一婦人因怒寒熱頭痛譫
 語日晡至夜益甚而經暴至蓋肝藏血此怒動火而
 血妄行用加味道遙散加生地黃治之神思頓清但
 食少體倦月經未已蓋脾統血此脾氣虛不能攝血

用補中益氣治之月經漸止一婦人懷抱素鬱感
 冒經行譫語服發散之劑不應用寒涼降火前證益
 甚更加月經不止肚腹作痛嘔吐不食痰涎自出此
 脾胃虛寒用香砂六君脾胃漸健諸證漸退又用歸
 脾湯而全愈

加味小柴胡湯 治婦人傷風續得寒熱發作有時

經水適斷此為熱入血室其血必結致如瘧狀

柴胡 參錢 半夏 各貳錢

生地黄 各壹錢半 甘草 半錢

作一服水一鍾薑五片棗一枚煎一鍾不拘時服

乾薑柴胡湯 治婦人傷寒經脈方來熱入血室寒熱如瘧或狂言見鬼

柴胡 壹錢

桂枝 叁分

栝蔞根 伍分

牡蠣 煨

乾薑 炮

甘草 炒各叁分

右水煎服汗出而愈

海蛤散 治婦人傷寒血結胸膈宜服此藥及針期

門穴

海蛤

滑石 煨水飛

甘草 各四錢

芒硝 壹兩

右為末每服一錢用鷄子清調下小腸通利其結

血自散更用桂枝紅花湯發其汗則愈 方見

泄瀉 汪石山治一婦經行必瀉二日然後行診其脈皆濡弱此脾虛也脾屬血屬濕經水將動脾血先已流注血海然後下流為經脾血既虧則虛而不能運行其濕今作參苓白朮散每服二錢一日米飲調下二三次月餘經行不瀉矣 一婦年逾四十形長色脆病經不調右脈浮軟而大左脈虛軟而小近駛嘗時經前作泄今年四月感風咳嗽用湯洗浴汗多因泄一月六月復因洗浴發瘧六七次瘧雖止而神思不爽至八月盡而經水過多白帶時下瀉泄遂覺右

脚疼痛舊曾閃脚脚跟今則假此延痛腎腿腰脇尻
骨頸項右邊筋皆掣痛或咳嗽一聲則腰眼痛如腰
札日輕夜重叫號不已幸痛稍止飲食如常今詳月
水過多白帶時下日輕夜重瀉泄無時亦屬下多亡
陰宜作血虛論治服四物止痛之劑益甚九月汪復
診視始悟此病乃合仲景所謂陽生則陰長之法矣
夫經水多白帶下常泄瀉皆由陽虛陷下而然命曰
陽脫是也日輕夜重蓋日陽旺而得健運之職故血
亦無凝滯之患而日故輕也夜則陰旺而陽不得其
任失其健運之常血亦隨滯故夜重也遂以參朮助

陽之藥煎服五七貼痛減此亦病證之變治法殊常
故記之

月水不斷婦人月水不斷淋瀝無時或因勞損氣血
而傷衝任或因經行而合陰陽皆令氣虛不能攝血
若時止時行腹痛脉沉細此寒熱邪氣客於胞中非
因虛弱也 薛前證若鬱結傷脾用歸脾湯甚怒傷
肝逍遙散肝火妄動加味四物湯脾氣虛弱六君子
湯元氣下陷補中益氣湯熱傷元氣前湯加五味麥
門炒黑黃蘗 儒者錢思習子室年二十餘無嗣月
經淋瀝無期夫婦異處幾年矣思習欲為娶妾以謀

諸余余謂此鬱怒傷肝脾虛火動而血不歸經乃肝不能藏脾不能攝也當清肝火補脾氣遂與加味歸脾道遙一藥四劑送至其家仍告其姑曰服此病自愈而當受胎妾可無娶也果病愈次年生子一婦人性急每怒非太陽耳項喉齒胸乳作痛則胸滿吞酸吐瀉少食經行不止此皆肝火之證肝自病則外證見土受尅則內證作余先以四物加白朮茯苓柴胡炒梔炒龍膽清肝養血次用四君子加柴胡芍藥神麴吳茱萸炒黃連以培土制肝漸愈惟月經不止是血分有熱脾氣尚虛以道遙散倍用白朮茯苓陳

皮又以補中益氣加酒炒芍藥兼服而安一婦人多怒經行旬餘方止後淋瀝無期肌體倦瘦口乾肉熱盜汗如洗日晡熱甚皆由肝脾虧損無以生發元氣用參芪歸朮茯神遠志棗仁麥門五味丹皮龍眼肉炙草柴胡升麻治之獲痊一婦人懷抱不舒腹脹少寐飲食素少痰涎上湧月經頻數余曰脾統血而主涎此鬱悶傷脾不能攝血歸源耳用補中益氣濟生歸脾而愈

膠艾湯 治勞傷血氣衝任虛損月水過多淋瀝不

斷

調經

女科

三

阿膠炒

川芎

甘草炙各貳兩

當歸

艾葉炒各叁兩

熟地黄

白芍藥各肆兩

右咬咀每服半兩水煎一亦有黃芪

續斷九全治月水不斷口乾心煩四肢羸乏飲食減

少

川續斷

當歸

烏鰂骨

黃芪

牛角鯁燒

五味子

甘草

龍骨煨研

赤石脂

熟地黄各壹兩

地榆半兩

艾葉

附子

乾薑

川芎各共錢半

右為末煉蜜丸梧子大每服三十九空心温酒下

禹餘糧丸 治久冷月水不斷面黃肌瘦虛煩減食

禹餘糧貳兩

鹿角膠米錢半粉炒

紫石英

續斷

赤石脂

熟地黄

川芎各壹兩

乾薑

黃芪

艾葉

栝葉炒

當歸炒

人參

白茯苓各半兩

右為末煉蜜丸梧子大每三十九空心米飲下

牡蠣丸 治血海虛損月水不斷

牡蠣粉

赤石脂

代赭石 各壹兩

阿膠

川芎

當歸

鹿茸

續斷

乾薑

甘草 貳錢半

右為末煉蜜丸梧子大每服三丸空心温酒下

經驗方 治經血不止

黃芩 伍分

當歸

栝葉

蒲黃 右肆分

生薑 貳分

艾葉 壹分

生地黄 貳拾分

伏龍肝 拾貳分

右以咀用冰二升煎取八合分一服

又經血不止詩云 婦人經血久淋漓舊惡蓮蓬燒

作灰熱酒一杯調入字自然安樂更無疑

又方 蓮蓬殼 拒霜花 等分 為末每服一錢空心

米飲調下

伏龍肝散 和治血氣勞傷衝任脉虛經血非時注下

或如豆汁或成血片或五色相雜臍腹冷痛月經

不止

伏龍肝

麥門冬 去心

赤石脂 各壹錢

熟地黄

艾葉 炒各壹錢半

當歸 炒去蘆

川芎 各貳錢半

肉桂 去麤皮

乾薑 炮

甘草 各半錢

右作一服水二鍾紅棗二枚煎至一鍾食前服

固經丸 治經水過多不止乃陰挾熱所致法當補

陰清熱

黃蘗 叁兩

龜板 炙肆兩

黃芩 貳兩

白芍藥 叁兩

檮根皮 壹兩半

香附子 童便製 壹兩半

右為細末酒糊丸梧子大每以空心食前白湯下五七十九

月水不利良婦人月水不利者由勞傷氣血體虛而風冷客於胞內傷於衝任之脉故也若寸脉弦關肌

沉是肝病也兼主腹痛孔竅生瘡尺脉滑血氣實經絡不利或尺脉絕不至兼主小腹引腰痛氣攻胸膈也 醉前證屬肝膽一經蓋肝膽相為表裏多因恚怒所傷若本經風熱用補肝散 痛門 血虛用四物加酸棗仁若腎水不足用六味丸若患諸瘡瘍治見

後

牛膝散 治月水不利臍腹作痛或小腹引腰氣攻

胸膈

牛膝 酒製 壹兩

桂心

赤芍藥

桃仁 去皮尖

玄胡索 炒

當歸 酒浸

牡丹皮

木香 各半錢半

右為末每服一錢空心温酒調下

牡丹散 治月候不利腹臍疼痛不欲食

牡丹皮

大黃 炒各壹兩

赤茯苓

梔仁

生地黄

當歸

桂心

赤芍藥

白朮 各半錢半

石韋 去毛

木香 各半兩

右吹咀每服三錢水一盞薑三片煎七分空心温

服

產寶方 治女人月經不利臍下氣脹上攻欲嘔不

得睡

當歸 肆錢

乾漆 叁錢炒令煙盡

右為細末蜜丸梧子大空心温酒下十五丸

養榮湯 治婦人血海虛弱心中恍惚時多驚悸或

發虛熱經候不調

白芍藥

川芎

熟地黄

薑黃

當歸

川薑

青橘皮

五加皮

牡丹皮

海桐皮

白芷 各等分

每服五錢水一盞半生薑五片烏梅一箇煎至二

蓋溫服不拘時送紫桂丸五十粒紫桂丸方見帶下

過期不止 產寶云男子生於寅寅屬木陽中有陰故

男子得八數女子生於申申屬金陰中有陽女子得

七數男以氣為主八八則卦數已盡盡則陽精痿女

以血為主七七則卦數已終終則經水絕任衝脈虛

衰天癸絕地道不逆而無子矣或勞傷過度喜怒不

時經脈衰微之際又為邪氣攻衝所以當止不止而

崩下也 許學士云婦人經脈過期不及腰腹疼痛

或七七數盡而月經下者宜用當歸散治之

當歸散 治婦人天癸已過期經脈不勻或二三月

經過期 不止為 熟者餘

不行或一月再至腰腹疼痛素問云七損八益謂

女子七數盡而經不依時者血有餘也不可止之

但令得依時不腰痛為善 方見前調經平劑條

竹芩心丸 治婦人四十九歲已後天癸當住每月

却行或過多不止用黃芩心枝條者二兩米泔浸

七日炙乾又浸又炙如此七次為末醋丸如桐子

大每服七十九空心溫酒送下日進二服

右二方熟者宜之

茸附湯 補任衝調血氣

乾薑 肆兩 肉桂 去麤皮 附子

周亞

龍骨 生用

防風 各壹兩

牡蠣 煨

當歸 各貳兩

鹿茸 叁兩 酒炙

每服半兩水二鍾煎八分温服

補中芎藭湯 治風虛冷熱勞傷衝任月水不調崩

中暴下產後失血過多虛羸腹痛或妊娠胎動不

安下血 多

當歸

乾薑 炮各叁兩 川芎 蜜炙

黃芪

甘草 炙

吳茱萸 炮黃

杜仲 炒

熟地黄

人參 各壹兩

每服三錢水一鍾半煎一鍾空心服

右二方寒者宜之蓋亦有血海虛寒而不禁者也

薛前證若肝腎虛熱用當歸散肝血虛熱四物加柴

梔丹皮肝火內動小柴胡加山梔丹皮肝火血燥加

味逍遙散脾經鬱火加味歸脾湯肝脾鬱火歸脾道

遙兼服肝腎虧損歸脾六味兼服仍與前後月經不

調治驗同用 一婦人年五十內熱晡熱經水兩三

月一至此血虛有熱用逍遙散加山茱萸治之而愈

後有痰作渴或小使不調或頭暈白帶用六味丸而

安 脉問曰婦人年五十數一朝而清血二三百不止何

謂經

女科

止何以治之師曰此婦人前絕生經水不下今反清
血此為居經不須治當自止經水下常五百日止者五
日愈

[Faint bleed-through text from the reverse side of the page, including characters like '經水' and '五百日']

